

摘藻堂四庫全書薈要

史部

欽定四庫全書薈要

史部

御批通鑑綱目卷四十三上

詳校官編修臣汪鏞



欽定四庫全書薈要卷七千三百六十

史部

御批資治通鑑綱目卷四十三上

起甲寅唐玄宗開元二年
盡丁亥唐玄宗天寶六載
凡三十四年

甲子年春正月定内外官出入恒式

有政選京官有才識者除都督刺史都督刺史
有政迹者除京官使出入常均永為恒式

以盧懷慎檢校黃門監○置左右教坊

舊制雅俗之樂皆隸太常上以太常禮樂之司不應
典倡優雜伎乃更置左右教坊以教俗樂又選樂工
宮女數百人自教之謂之皇帝梨園弟子禮部侍郎
張廷珪酸棗尉袁楚客皆上疏以上春秋鼎盛宜崇

經術通端士尚樸素深以悅鄭聲好遊獵為戒上雖
不能用欲開言路咸嘉賞之胡氏曰玄宗不以太常
典倡優是也乃更置坊院盛選工女而自教之則是
以天子而典倡優矣而可乎夫以顏子亞聖之資夫
子尚以放鄭聲為戒況玄宗乎大臣之責務引其君
以當道以格其非心而防其微漸者也姚崇於是昧
其所集覽梨園弟子隋有法曲其聲清近雅明皇愛
職矣之選坐部伎子弟三百教於梨園號皇帝
梨園弟子宮女數百亦為梨園弟子居宜春北院尚
樸素教尚質樸見素守貞不事文飾也老子見素抱
樸少私寡欲莊子同質實太常官名注見漢明帝永
平二年倡優女樂也注見

隋文帝開皇二十年梨園有二一在西安府雲陽廢
縣漢武帝置一在京兆府通化門外唐文宗嘗命太
常卿王涯取開元雅樂按之既成獻之於此酸棗縣
名注見周慎靚王四年鄭聲注見漢元帝永光元年

鄭衛
之樂

書法

直書其事其為初政之累
多矣○教坊之名始此

發明

玄宗即位至是再葺宗廟之事學校之典未
聞有所舉行而左右教坊之置綱目首書于
冊則帝之溺意鄭聲固已不待晚年
而後知其有霓裳羽舞之失矣惜哉

沙汰僧尼

中宗以來貴戚爭營寺度僧富戶彊丁削髮避役姚
崇上言佛圖澄不能存趙鳩摩羅什不能存秦齊襄
梁武未免禍殃何用妄度姦人使壞正法上從之沙
汰萬二千餘人禁創寺鑄佛寫經百官之家毋與僧
尼道士往還胡氏曰人之與人類也無不得相見之
理惟罪人則人之所棄而僧尼者聖世之所絕也今

不使百官與僧尼道士往還，是異端待之罪。人畜之，非平民也。然則曷若使之衣巾冠帶而齒於平民乎？

集覽

齒於平民，齒謂舉列如齒也。質實，佛圖澄晉末僧名。趙王石

勒甚敬之。鳩摩羅什晉末僧名。秦王姚興尤重之。沙汰，注見宋孝武帝大明二年。

書法

書沙汰，何點異教也。魏書罷沙門五十以下者矣。宋戊寅年，唐初雖一書沙汰僧道，高祖

武德九年不旋踵而書罷焉。於是復書沙汰僧尼，是年予知節也。終綱目異端書沙汰三

以薛訥同紫微黃門三品將兵擊契丹

初，營州都督治柳城，以鎮撫奚契丹。武后之世，都督趙文翹失政，奚契丹攻陷之，或言鞬鞞奚雷以唐不建營州，無所依投，故且附突厥。并州長史薛訥奏請復置營州，上亦欲討契丹。姚崇等諫不聽，遂以訥同

三品將兵擊契丹羣臣乃不敢言范氏曰姚崇等以其君討契丹為是邪當成之為非邪當爭之不可微諫而止也明皇既不聽諫又益甚之遂相薛訥而使之將兵崇等乃不敢言則是人君可以威脇羣臣而遂其非也然則君有大過將何以止之夫人臣諫而不聽則當去位苟不能強諫而視其君之過舉至於天下咸怨則曰非我不諫君不能用我也始則擇利以處其身終則引謗以歸其君此不忠之大者也使君驕其臣而輕於用武天集覽柳城注見漢獻帝建下不勝其弊崇之罪也安十二年文翔鳳名也

翻呼質實

營州注見漢獻帝建安十二年奚契丹東胡別種注見睿宗太極元年靺鞨北狄國

名注見隋文帝開皇十八年奚靺鞨名注同上開皇元年突厥北狄國名注見梁武帝大同十一年

并州注見齊明

帝建武三年

書法

書以相國將兵於樊噲見之矣此書同紫微黃門三品何重其任也重其任則曷為書擊

譏也帝之好邊功拒人言莫此為甚故書擊貶之而卒以敗績削其官亦何益矣

發明

自文武既分而後將相之任各異其選其來已非一日明皇欲擊契丹慮羣臣進諫乃相

薛訥而使之將兵名之不正莫甚於此或曰唐中世以後率以平章事為節度使亦宰相之選也夫以平章繫銜或大臣出鎮藩方或方鎮跋扈不臣不得已而加之君子猶深為之惜況承平無事乃以紫微黃門同三品將兵擊契丹

果何謂哉據事直書失自見矣

三月朔太史奏日食不應質實

日食注見新莽天鳳元年

太史奏太陽應虧不虧姚崇表賀請書史冊從之

書法

書譏訖也按九年太史奏麟德歷浸疎日食屢不効然則日食之不應歷官之失也而遽

以稱賀

故書譏之綱目書日食三百六十七詳周

安王

二十年及漢惠帝七年書不應者一而已

發明

日食不應僅可免咎而已表請賀之姚崇之訣也特書于此蓋譏之耳

突厥同俄圍北庭都護郭虔瓘擊斬之

突厥默啜遣其子同俄圍北庭虔瓘擊斬之突厥質請悉軍中資糧以贖同俄聞其已死慟哭而去

寶

北庭都護注見齊明帝建武四年

復置十道按察使集覽

十道一日關內二日河南三日河東四日河北五日山南六日

隴右七日淮南八日江

南九日劍南十日嶺南

或上言按察使徒煩擾公私請精簡刺史縣令停按察使姚崇以為今止擇十使猶患未盡得入況天下三百餘州縣多數倍安得皆稱其職乎乃止范氏曰姚崇之辯雖能折議者之言然亦未為得也夫天子擇一相而任之一相擇十使而使之十使者擇刺史縣令而置之賢者舉之不肖者去之則君不勞而天下治矣故任相者天子之事也選使者相之職也察吏者使之責也吏非其人則是相之不才也退之而已矣崇不論此乃以為刺史縣令不可徧擇豈宰相之體乎

以徐倫為恭陵令

上思徐有功用法平以其子倫為恭陵令竇孝謚之子光祿卿希城等請以已官爵讓倫以報其德由是倫累遷申集覽倫龍春反希城名也質實徐倫東海王府司馬城音絨申王名成義人恭陵縣

名未詳沿革申州名注見
梁武帝大清二年義陽

貶劉幽求為睦州刺史鍾紹京為果州刺史

或告太子少保劉幽求詹事鍾紹京有怨望語按問
不服姚崇盧懷慎等言於上曰幽求等皆功臣乍就
間職不無沮喪若令下獄慮驚遠聽乃皆貶之
時紫微侍郎王琚行邊未還坐黨貶澤州刺史
質實

睦州注見憲宗元和二年一統志云果州禹貢梁州
之域春秋戰國時為巴子國地秦屬巴郡漢為充國
安漢等縣地仍屬巴郡漢末劉璋分墊江以上仍為
巴郡治安漢晉屬巴西郡劉宋析置宕渠郡隋省宕
渠入巴西唐初地屬隆州尋析置果州治南充天寶
初改南充郡乾元初復為果州大歷中又改充州尋
復舊五代蜀置永寧軍節度宋初以州隸梓州路寶
慶間陞順慶府元置東川府又改為順慶路本朝改

順慶府隸四川道澤州注
見梁武帝大同六年建州

黜涪州刺史周利貞等十三人質實
涪州注見晉武帝太安二年

以利貞等天后時酷吏比周興等
情狀差輕放歸草澤終身勿齒
集覽草澤猶言田里謂寂寞之

地終身勿齒記王制屏之遠方終身不齒又曰出鄉
不與士齒注齒猶錄也不齒賤也於其鄉中則齒親

也親

三月貶韋安石韋嗣立趙彥昭李嶠為諸州別駕

御史中丞姜晦以宗楚客等改中宗遺詔當時宰相
韋安石韋嗣立趙彥昭李嶠不能匡正令監察御史
郭震奏彈貶之晦又奏安石檢校定陵
盜隱官物下州徵賦安石憤恚而卒
集覽定陵中宗陵墓

名質實

姜晦秦州上邽人暮之弟
定陵注見中宗景龍四年

毀天樞

毀武后所作天樞銘其銅鐵歷月不盡先是
韋后亦於天街作石臺頌德至是并毀之

夏五月罷員外檢校官

以歲饑悉罷員外試檢校官自今非戰功及別救母
得注擬時薛王業之舅王仙童侵暴百姓御史彈奏
業為之請救覆按之姚崇盧懷慎奏御史言是上從
之申王成義奏以府錄事為參軍崇等不可事亦寢
由是貴戚束手請謁不行

發明

興治之世其精明氣象必有可觀玄宗初政
如相姚崇定官制汰僧尼廢酷吏皆有足取

今又罷員外檢校官大書于冊開元之治自此日
益進矣使其有始有終常如一日豈不為有唐盛
德之主哉

魏知古罷

知古本起小吏姚崇薦之以至為相崇意輕之請知
古知東都選事遣吏部尚書宋璟於門下過官知古
銜之崇二子分司東都有所請託知古歸悉以聞他
日上問崇卿子何官才性何如崇揣知上意對曰臣
三子兩在東都為人多欲而不謹是必以事干知古
臣未及問之耳上問安從知之對曰知古微時臣常
卵而翼之臣子愚以為知古容其為非故敢干之耳
上於是以崇為無私而薄知古欲斥之崇固請曰臣
子無狀陛下赦之已幸苟遂知古累聖政
矣上久乃許之知古竟罷為工部尚書

集覽
門下
過官

唐制凡選事侍郎以下三注三唱
仍過門下省審之故謂之過官
質實
東都注見秦
莊襄王元年

川三

六月以宋王成器等為諸州刺史

宋王成器申王成義上兄也岐王範薛王業上弟也
幽王守禮從兄也上素友爱近世帝王莫能及初即
位為長枕大被與兄弟同寢聽朝罷多從諸王遊在
禁中拜跪如家人禮飲食起居相與同之業嘗疾上
親為煮藥火熱上鬚左右驚救之上曰但使飲此而
愈鬚何足惜成器尤恭慎未嘗及時政妄結交上愈
信重之故讒間無自而入然專以聲色飲博遊獵畜
養娛樂之不及以政羣臣以成器等地逼請循故事
出刺外州乃以成器領岐州成義領幽州守禮領虢
州範領濟州業領同州到官但領大綱州務皆委上

佐是後諸王領州者並準此范氏曰文王孝於王季故友于兄弟睦於太姒故慈於子孫以及于家邦至於鳥獸草木無不被澤者惟其心而已矣先王未有孝而不友友而不慈者也至於後世帝王或能於此則不能於彼何哉不能舉斯心加諸彼而已成器解位以授明皇故明皇篤於兄弟之愛蓋成器之行有以養其友愛之心也苟能充是心則仁不可勝用矣然至於為人父則以讒殺其子為人夫則以孽黜其妻為人君則以非罪殄滅其臣下是皆不能充其類也苟不能充其類則其為善豈不出於利心哉

集

覽

地逼地位逼迫也蓋宋王成器乃嫡長當立故曰地逼太姒周文王之正妃革國之長女也姒姓音詳

里反充其類孟子滕文篇是尚為能充其類也乎又萬章篇充類至義之盡也李氏解云夫所謂充類者謂自其小者充之以至於大自質實

禁中注見宋孝武帝大明六年

人主崇尚節儉
自是美德第當
近情平易不可
矯激太甚如唐
明皇以珠玉錦
繡焚之殿前矣
未幾復遣使求
珠翠奇寶荷前
後之判然不侔
耶脫始者必鮮
終人情大抵然
也

岐州注見周顯王六年
幽州注見漢桓帝延熹五年
虢州注見宋文帝元嘉十二年
莘濟州注見晉帝奕
太和元年高平同州
注見開元十一年

秋七月焚珠玉錦繡於殿前

上以風俗侈靡制乘輿服御金銀器玩令有司消毀
以供軍國之用其珠玉錦繡焚於殿前后妃以下皆
毋得服敕百官所服帶及酒器銜銓三品以上聽飾
以玉四品以金五品以銀餘皆禁之婦人從其夫子
自今天下更毋得采珠玉織錦繡等物罷兩京織錦
坊司馬公曰明皇之始欲為治能自刻厲節儉如此
晚節猶以奢敗甚哉奢靡之易以溺人也詩曰靡不
有初鮮克有終可不慎哉○其後有邊人上言海南
多珠翠奇寶因言市舶之利又欲往獅子國求靈藥
醫姬上命監察御史楊範臣往求之範臣奏曰陛下

前年焚珠玉錦繡示不復用今所求者何以異於所
焚者乎彼市舶與商賈爭利殆非王者之體胡藥之
性中國多不能知況於胡嫗豈宜寘之宮掖夫御史
天子耳目之官必有軍國大事臣雖觸冒炎瘴死不
敢辭此特胡人眩惑求媚無益

集覽

銜銜銜馬勒也
聖德上遽引咎慰喻而罷之

字從金從行以

行馬者也。鐙，丁鄧反。鞍，鐙也。市，舶。蠻夷汎海舟，質實曰舶。舶音白。於海濱置吏以稅海商，名曰市舶。靡不有初。鮮克有終。詩大雅蕩詩之詞。獅子國在西方之域，其地能馴養狻猊，因以名國。

書法

書予之也。晉武焚雉頭裘於前殿，不書不誠也。明皇初政，勵精誠，有崇儉之意，故綱目特

書之綱目書焚錦綺三乙未年陳焚文錦隋文帝開皇十五年焚綾文布是年皆予之也舍是無書

矣者

薛訥擊契丹敗績詔削其官爵

訥與監門將軍杜賓客定州刺史崔宣道等將兵六萬擊契丹賓客以為士卒盛夏負甲齎糧深入寇境難以成功訥曰盛夏草肥羔犢孳息因糧於敵正得天時一舉滅敵不可失也行至灤水山峽中契丹伏兵遮其前後擊之唐兵大敗死者什八九訥與數十騎突圍得免宣道將後軍亦走訥歸罪於宣道制斬之免訥死質實定州注見周威烈王二十三年中山削其官爵灤水莫詳處所唯有灤河在萬全都司雲州堡北六十里發源炭山冰井亂泉合為此河北流經古桓州南下流入口北開平界又東南流經永平府遷安縣界至盧龍縣合漆河又南至樂亭縣入于海未知是否姑錄此以備攷焉

襄王重茂薨於房州諡曰殤皇帝考異

凡提要薨作卒按例王侯死皆

曰卒當考證

堯當作卒諡當分注○謹按韋氏弒中宗而重茂韋氏伏誅睿宗即位廢重茂復

為王凡例曰正統之君廢為王公而死者書卒而註其諡重茂韋氏所立故不書即位者非正統之君也然亦

廢為王而死故比例而書質實襄州名注見漢獻帝建

堯當作卒註其諡於下

安十二年襄陽房州注

同上建安二十四年房陵

書法

書堯何諡為帝者也綱目自分王外其書堯非不成君廢帝廢后則諡為帝為后者也不

然則帝母也有功公主也舍是無堯道矣唐會昌以後方鎮大臣有書堯者誤也以皇帝贈諡於是

再見

作興慶官考異

作上漏
園子

宋王成器等請獻興慶坊宅為離宮許之仍賜成器等宅環於宮側又於宮西南置樓西曰花萼相輝南曰勤政

集覽

花萼相輝義取詩棠棣之華鄂

質實

一統

志云興慶宮在西安府治東南五里唐南內也玄宗所建內有文泰南薰大同等殿離宮注見周報王四十五年花萼相輝樓在西安府治東南唐興慶宮西南隅勒政樓西玄宗興寧薛諸王薦友愛常登此樓召諸王同榻飲宴勤政務本樓在西安府治東南唐興慶宮西南隅玄宗建每歲千秋節酺飲於樓前

八月出宮人

初民間訛言上采女子以充掖庭上聞之令有司具牛車於崇明門選後官無用者載還其家訛言乃息

質實

掖庭注見漢光

武建武三年

發明

蘇軾有言操網罟而赴江湖語人曰我非漁也

不信明皇以盛年即位德信未孚故民間有采擇女子之言是未可以家至戶曉也一出宮人而訛言自息所謂止謗莫如

自脩明皇蓋得之矣故書以美之

吐蕃入寇以薛訥為隴右防禦使擊之

吐蕃衆十萬寇臨洮至渭源掠牧馬命薛訥郭知運王峻帥兵擊之初鄯州都督楊矩以九曲之地與吐

蕃其地肥饒吐蕃就之畜集覽王峻峻反質實北蕃西牧因以入寇矩悔懼自殺祖峻反

注見太宗貞觀八年臨洮郡名注見高祖武德六年洮州渭源縣名注見晉帝奕太和五年九曲地名注

見天寶十二載

以武后鼎銘頒告中外

太子賓客薛謙光以武后鼎銘有云上天降鑒方建
隆基為上受命之符獻之姚崇表賀請宣示史官頒
告中外司馬公曰日食不驗太史之過也而君臣相
賀是誣天也采偶然之文以為符命小臣之諂也而
宰相實之是侮其君也以
姚崇之賢猶不免是惜哉

書法

書譏諛也武氏書頒大雲
經玄宗書頒鼎銘皆譏也

敕諸州脩常平倉法

敕以歲稔令諸州脩常平倉法江嶺實實
注見晉武
淮浙劍南下濕不堪貯積不用此例

帝泰始八

年益州

冬十月薛訥與吐蕃戰於武街大破之

吐蕃復寇渭源薛訥王峻帥兵禦之吐蕃十萬屯大來谷峻選勇士七百衣胡服夜襲之多置鼓角於其後前軍遇敵大呼後人鳴鼓角應之虜以為大軍至驚懼自相殺傷死者萬計虜大潰追至洮水又敗之前後殺獲數萬人豐安軍使王海賓戰死以其子忠嗣為尚輦奉御養之宮中命左驍衛郎將尉遲瑛使吐蕃宣慰金城公主吐蕃亦遣其大臣質實武街郡請和用敵國禮上不許自是連歲犯邊質實武街郡名注見漢後主炎興元年洮水在臨洮府城西南吐谷渾界一名恒水源出西傾山流經府界金城公主金城郡名注見太宗貞觀十八年公主注見天寶十二載王海賓鄭縣人

以郭知運為隴右節度大使

領鄆秦河渭蘭臨武質實鄆秦河渭蘭臨武洮岷廓

帝元康四年湟中秦注見漢光武建武元年天水河

安蘭注見太宗貞觀十八年臨注見秦王政三年隴

西武注見漢武帝元鼎六年武都洮注見高祖武德

六年岷注見秦始皇三十三年臨洮廓注見晉懷帝

永嘉六年疊注見太宗貞觀二十三年宕注見宋文

帝元嘉元年

十二月立皇子嗣真為鄆王嗣謙為皇太子考異立皇

真為鄆王嗣謙為皇太子立當作集覽鄆王鄆封邑名

以子上皇字義嗣謙上當有立字本漢琅邪鄆縣

正義曰古鄆子質實鄆州名注見漢

國在東海郡光武建武四年

上長子嗣真母曰劉華妃次子嗣謙母曰趙麗妃麗妃以倡進有寵故立之胡氏曰母正則子重母賢則子良以天子而納倡優又立其子為儲貳其輕宗廟慢神器甚矣嗣謙之死蓋不待武妃林甫之謀而輕賤不正其勢有所必至矣

書法

景雲之篇先書命太子監國重國本也此立皇太子也則曷為先書鄮王譏也玄宗不勝其私舍長立少先書嗣真為鄮王所以著太子之為少子也

置幽州節度經畧大使

領幽易平嫺

質實

幽易平嫺檀燕六州幽注見高祖武德四年易注見周世宗顯德六

檀燕六州

年平注見秦王政三年北平嫺注見晉懷帝永嘉五年檀注見中宗嗣聖十五年燕注見高祖武德九年

書法

景雲先書以薛訥為幽州經畧節度大使矣此始書置何不常置也至是始有常除故特

書置且以
志禍始也

乙卯 三年春正月以盧懷慎為黃門監

懷慎清謹儉素不營資產俸賜隨散親舊妻子不免饑寒所居不蔽風雨姚崇謁告十餘日政事委積懷慎不能決惶恐入謝上曰朕以天下事委姚崇以卿坐鎮雅俗耳崇既出須臾裁決俱盡頗有得色顧謂紫微舍人齊澣曰我為相可比何人澣未對崇曰何如管晏澣曰管晏之法雖不能施於後猶能沒身公所為法隨復更之似不及也崇曰然則竟何如澣曰可謂救時之相耳崇喜投筆曰救時之相豈易得乎懷慎自以其才不及崇每事推之時人謂之伴食宰相司馬公曰夫不肖用事為其僚者愛身保祿而從

之不顧國家之安危是誠罪人也賢智用事為其僚者愚惑以亂其治專固以分其權媚嫉以毀其功懷戾以竊其名是亦罪人也崇唐之賢相懷慎與之同心以濟太平之政夫何罪哉秦誓所謂是能容之者懷慎之集覽謂矣謁告注見漢武帝建元六年賜告委積

矜為得志也得或作德顏師古曰謂容色自矜為恩德也媚嫉與冒疾通書秦誓人之有技冒疾以惡之注見人之有技藝則蔽冒疾害以憎惡之是能容之書秦誓人之有技若已有之人之彥聖其心好之不啻如自其口出是能容之注皆正誤頗有得色今按樂善之志也是人必能容之謂有自得之色

質實

齊澣定州義豐人管晏謂管仲晏嬰也管仲注見宋武帝大明二年晏嬰萊之夷維人相齊景

公食不重肉妾不衣帛一狐裘三十年
盡忠補過名顯諸侯秦誓周書篇名

貶御史大夫宋璟為睦州刺史

坐監朝堂杖人杖輕故也

發明

御史大夫風憲之長在漢為三公之官而使

貶書爵而不書其罪以譏之也

夏四月以薛訥為涼州大總管郭虔瓘為朔川大總管

初突厥可汗默啜衰老屠虐其葛邏祿胡祿屋諸部降唐者前後萬餘帳制皆以河南地處之遣薛訥居

涼州郭虔瓘居朔川勒兵以備默啜

集覽

葛邏祿突厥諸部之號也胡祿屋本泥默啜部將之名後

以為部落之號或曰質實

朔川

未詳處所或云即朔州注見漢高帝六年馬邑

涼州注見漢光武
建武十年武威

山東大蝗

山東蝗民不敢殺拜祭之姚崇遣御史督州縣捕而
瘞之議者以為蝗多除不可盡崇曰河南北之人流
亡殆盡豈可坐視借使除之不盡猶勝養以成災上
乃從之盧懷慎以為殺蝗太多恐傷和氣崇曰昔楚
莊吞蛭而愈疾孫叔殺蛇而致福奈何不忍於集覽
蝗而忍人之饑死乎若使殺蝗有禍崇請當之
楚莊吞蛭而愈疾賈誼新書楚莊王食寒菹而得
蛭恐左右見而監食不誅則廢法遂吞之令尹賀曰
王有仁德天所輔也是夜嘔而蛭出久疾得愈蛭音
質水蟲也張華博物志蛭三斷而成三物有石蛭草
蛭泥蛭一名馬蝗孫叔殺蛇而致福孫叔敖為兒時
見兩頭蛇殺而埋之歸而泣其母問故叔敖曰聞之

見兩頭蛇者死恐他人又見已殺而埋之矣母曰吾聞有陰德者天報以福汝不死也及長為楚令尹

質實

山東道名注見宋文帝元嘉二十五年

秋七月朔日食質實

日食注見新莽天鳳元年

發明

日食不應而宰相表賀則日食而應當表弔可也此而觀之姚崇諂君之罪著矣

○九月置侍讀官

上謂宰相曰朕每讀書有疑無從質問可選儒士入內侍讀盧懷真薦太常卿馬懷素以為左散騎常侍與右散騎常侍褚無量更日侍讀聽肩輿乘馬於宮中以無量羸老為造腰輿使內侍舁之親送迎之待以師傳質實褚無量之禮鹽官人

書法

侍讀之名始見於此

發明

自帝學不傳而後君德不古玄宗讀書無從質問始置侍讀之官而又以羸老充選書之

于冊雖曰幸之蓋亦惜之也

遣薛訥討突厥考證

討當作伐

書法

奚契丹吐蕃皆書擊此則曷為以討書突厥請和既稱臣矣於是復圍北庭是叛也故特

書討

○郴州刺史劉幽求卒

幽求自杭徙質實

杭州名注見憲宗元和二年郴州名注見楚義帝元年

書法

刺史多矣卒幽求何志帝之薄也其薄奈何方天星散落幽求實贊大計睿宗疑立太子

幽求力言平王太平逆黨又幽求首發其姦有功如此而帝待之薄則帝之私也蓋韋氏既誅帝有自取之志而幽求則曰衆約今夕共立相王何不早定比曉帝乃僅迎相王入輔少帝而已既而幽求復白請相王早即位以鎮天下若此皆非帝意此帝所以終外之也書曰郴州刺史劉幽求卒綱目之意微矣

發明

韋氏之亂幽求首建大策太平之逆又發其姦玄宗雖處以相職未幾即遭貶黜畧無少

恕之意何哉當臨淄討亂之時意蓋在於自取幽求既不論此而又力請相王早正大位玄宗是時蓋已深憾於中是以輕於黜逐畧不念其有功當時之人既不能知帝意所在而後來贊唐史者止

謂恨其待之太薄而已綱目推求其實故於幽求之卒特揭郴州刺史書之以見斥逐遠外之意不然當時刺史徧天下何獨於幽求而卒之哉

以郭虔瓘為安西四鎮經畧大使

以郭虔瓘為安西大都護經畧四鎮虔瓘請募關中兵萬人詣安西皆給遞馱熟食許之將作大監常湊上疏曰今西域服從雖或時小有盜竊舊鎮兵足以制之關中常宜充實以彊幹弱枝頃年以來征行畧盡豈宜更募驍勇遠資荒服又萬人征行六十餘里咸給遞馱熟食道次州縣將何以供秦隴之西戶口漸少涼州已往沙磧悠然儻稽天誅所損甚大縱令必克其獲幾何時姚崇亦以為不然既而虔瓘卒無功虔瓘復奏奴八人有戰功請除游擊將軍集覽遞馱盧懷慎曰虔瓘恃功侮法不可許也上從之

遊驛遞也。馱唐佐反。驢馬駝駝載物。曰負馱。疆幹弱枝。京師為幹。四方曰枝。沙磧悠然。唐志西州之西南有南平安昌兩城。百二十里至天山。西南入谷。經礪石磧。二百二十里至銀山。磧又北。庭都護府有小磧。又云伊麗河西行千里至碎葉城。水皆北流入磧。今日沙磧則沙乃流沙之類。自是兩名。杜甫八哀首篇贈司空王思禮詩。意無流沙質實。安西都護注見高磧是也。悠然眇邈無期貌。宗永淳元年四鎮注同。上年西域國名。注見漢哀帝元壽二年。秦隴二州名。秦注見漢光武建武元年。天水隴注同上。建武六年。汧。

西域八國請降

初監察御史張孝嵩奉使廓州。聽以便宜從事。拔汧那者古烏孫也。內附歲久吐蕃攻之。其王奔安西求

救孝蒿遂帥旁側戎落兵萬餘人出龜茲西數千里
下數百城傳檄諸國威振西域天食等八國請降勒
石紀功

集覽

拔汗那拔或作枝誤也拔汗那注見中
宗景龍二年大食西域國在波斯國西

都婆質實

龜茲西域國名注見漢光武建武
二十二年傳檄注見楚義帝元年

冬十二月貶崔日知為歙縣丞

京兆尹崔日知貪暴不法李傑將糾之日知反構傑
罪侍御史楊瑒廷奏曰若糾彈之司使奸人得而恐
喝則御史臺可廢矣上遽命

集覽

瑒丑亮反恐喝
與愾通音許昌反

傑視事貶日知為歙縣丞

史記務以秦權恐喝諸侯顏師古曰恐喝相恐脇也
歙漢丹陽地初改鄣郡為丹陽而丹陽都尉分治歙
隋置歙州宋改徽州

質實

京兆郡名注見開元十一
年崔日知滑州靈昌人一

治歙縣歙失涉反

統志云歙縣秦初所置屬鄣郡以縣南有歙浦故名漢屬丹陽郡為都尉治晉屬新安郡梁屬新寧郡隋初縣省後復置為歙州治宋為徽州治元仍舊本朝因之屬徽州府

以韋玠為冀州刺史

尚書左丞韋玠以郎官多不舉職請汰之尋敕出玠為小州刺史姚崇言玠以奉公貶黜議者皆謂郎官謗傷恐後來左右丞指以為戒

集賢

玠悲貧反不舉職舉稱也記明

則省事何從而舉乃除冀州堂位各揚其職百官廢職服大刑也

質實

冀州注見秦二世二

年信都

以突騎施部將蘇祿為金方道經畧大使

突騎施守忠既死部將蘇祿頗善綏撫十姓部落稍歸之有衆二十萬據有西方遣使入見故有是命

丙辰四年春正月殺尚衣奉御長孫昕

昕皇后妹夫也與御史大夫李傑不協於里巷伺而歐之傑自訴上大怒命於朝堂杖殺以謝百僚胡氏曰高宗有言雖太子有罪亦不可赦近於公矣而失父子之恩使太子不免於絀死玄宗以重刑加諸后黨之輕罪亦近於公矣而傷夫婦之義使皇后不免於廢殺故幾者動之微不可不慎也

書法

所恃后黨毆大臣罪也帝罪之公矣其以無罪之辭書何昕信有罪罪不至死也而殺之

甚矣

綱目賞罰之權衡故

樊世書殺長孫昕書殺

發明

玄宗初政清明深惡戚里撓權之弊故長孫昕有犯隨即戮之可謂公正之至然昕罪不

至死若等其輕重貶竄足矣故書殺而不去其官

以鄆王嗣真為安北大都護陝王嗣昇為安西大都護

質實

陝州名注見周顯王四十五年

二王皆不出閭諸王遙領節度自此始

書法

諸王遙領外鎮始此

以倪若水為汴州刺史

上欲重都督刺史選京官才望者為之然當時猶輕外任揚州採訪使班景倩入為大理少卿過大梁若水餞之望其行塵久之謂官屬曰班生此行何異登仙上嘗遣宦官詣江南取鵝鵲鵲等欲置苑中所

至煩擾若水言今農桑方急而羅捕禽鳥水陸傳送道路觀者豈不以陛下為賤人而責鳥乎上手敕謝之縱散

集覽

鵲音交晴郭璞曰鵲似鳬脚高有

其鳥

毛冠辟火災陸佃云長目晴交故名鵲

鵲音奚敕水鳥五色小於鴨埤雅作溪鶯淮賦云溪鶯尋邪而逐害其宿若有敕令故名溪鶯質

實

汴州注見周顯王二十九年大梁揚州注見漢武帝元朔五年淮南大梁郡名注見周顯王二十九

年

書法

於是欲重外任特選京官才望者為之帝可謂知所權衡矣自貞觀二十年以來綱目書

以為刺史者四十餘人自狄仁傑外皆貶黜者以父母斯民之職而以其所貶黜者為之若此而求外任之重難矣書此蓋予之也

山東復大蝗

山東蝗復大起姚崇又命捕之倪若水謂蝗乃天災非人力所及宜脩德以禳之劉聰時嘗捕埋之為害益甚拒不從命崇牒若水曰劉聰偽主德不勝妖今日聖朝妖不勝德古之良守蝗不入境若其脩德可免彼豈無德致然因勅使者察捕

集覽

劉聰晉惠時據平陽僭號

曰質實

劉聰時嘗捕埋之事在晉愍帝建興四年蝗不入境漢宋均建武中為九江太守時楚沛多蝗

其飛至九江界者輒東西散去

書法

三年書山東大蝗矣於是復見故書復

召新除縣令試理人策

或言於上曰今歲選叙太濫縣令非才上悉召至殿
庭試理人策惟常濟詞理第一擢為醴泉令餘二百
人不入第且令之官四十五人放歸學問吏部侍郎
盧從愿李朝隱皆坐左遷從愿朝隱典選稱職高宗
之世馬載裴行儉在吏部最有質實韋濟陽武人嗣
立之子醴泉縣
名時人稱前有馬裴後有盧李
名注見中宗嗣聖七年左
遷注見漢宣帝元康二年

夏六月太上皇崩○拔曳固斬突厥默啜以降

初突厥默啜北擊拔曳固大破之恃勝輕歸不復設
備拔曳固迸卒頡質畧自柳林突出斬之時子將郝
靈荃使突厥得其首拔曳固回紇同羅雷僕固五部
皆來降突厥立默棘連為毗伽可汗以闕特勒為左
賢王專集覽拔曳固注見太宗貞觀元年拔野古迸
典兵馬卒頡質畧迸卒散走之卒也名頡質畧

子將子者人之嘉稱將者官稱也舉其官而稱子焉
後靈荃改授郎將回紇注見太宗貞觀元年同羅注
同上年雷注同上年僕固注同上年闕質實突厥北
特勒突厥俗稱子弟曰特勒闕名也
注見梁武帝大同十一年可汗夷狄君長號注見漢後主景耀四年

秋八月遷中宗於別廟

太常博士陳貞節蘇獻以太廟七室已滿請遷
中宗神主於別廟奉睿宗神主祔太廟從之

突厥降戶叛命薛訥等追討之

突厥默啜既死突騎施蘇祿復自立為可汗毘伽可
汗患之默啜時牙官瞰欲谷年七十餘多智畧國人
信服之毗伽乃召以為謀主突厥降戶處河曲者多
叛歸之并州長史王駿上言此屬徒以其國喪亂故

相率來降若彼安寧必復叛去乃是畜養使為間諜
日月滋久奸詐愈深願集兵衆徙之內地漸變舊俗
皆成勁兵雖一時暫勞然永久安靖疏奏未報降戶
果叛命朔方大總管薛訥討之王峻亦引并州兵追
擊破之單于副都護張知運不設備為敵所擒將軍
郭知運邀擊破之張知運乃得還上以其喪師斬之
毗伽謀入寇瞰欲谷曰唐王英武民和年豐未有間
隙我衆新集且當息養數年始可觀變而舉毗伽又
欲築城立寺觀瞰欲谷曰突厥人徒不及唐之百一
所以能與為敵者正以隨逐水草射獵為業人皆習
武彊則進兵弱則竄伏故也若變舊俗必為所滅釋
老之法教人仁弱非用武爭勝之術不可崇也乃止

集覽

河曲注見漢光武

質實

間諜注見漢王邦三年朔方郡名注見漢武帝

元朔
元年

冬十月葬橋陵質實

一統志云橋陵在西安府蒲城縣豐山

○十一月黃

門監盧懷慎卒

懷慎疾亟上表薦宋璟李傑李朝隱盧從愿上深質納之既薨家無餘蓄惟老蒼頭請自鬻以辦喪事

質

老蒼頭注見漢光武建武五年

以源乾曜同平章事十二月以宋璟為西京留守

姚崇無居第寓居罔極寺以病謁告上遣使問之日數十輩源乾曜奏事稱旨上曰此必姚崇之謀或不稱旨則曰何不與姚崇議之乾曜請遷崇於四方館仍聽家人入侍疾崇固辭上曰設四方館為官吏也使卿居之為社稷也恨不可使卿居禁中耳此何足辭崇子彛異頗受賂遺為時所譏又崇所親信主書

趙誨受賂事覺當死崇復營救上不悅會曲赦京城持杖誨流嶺南崇由是請避位薦廣州都督宋璟自代上將幸東都以璟為刑部尚書西京留守遣內侍楊思勗迎之璟風度凝遠人莫測其際在塗不與思勗交言思勗素貴幸歸訴於上上嗟嘆良久益重璟范氏曰昔申張以慾不得為剛璟所以能剛其惟無慾乎明皇以此重

集覽

彛彛崇二子風度凝遠大風采度量凝固遠大質

實

杜稷注見新莽天鳳元年嶺南道名注見秦始皇三十三年南海廣州注同上年申張以慾不得為

剛申張魯人孔門弟子孔子嘗言吾未見剛者或以張對孔子謂張也慾焉得剛後世追封上蔡侯

書法

自隋世以來京尹不書書留守越王侗重留任也唐有天下且百年京尹無聞焉蓋至是

四書留守矣房玄齡劉仁軌蘇良嗣宋璟綱目於此致意管鑰之任夫豈輕哉

閏月姚崇源乾曜罷以宋璟為黃門監蘇頌同平章事

璟為相務在擇人隨材授任使百官各稱其職刑賞無私犯顏正諫上甚敬憚雖不合意亦曲從之突厥默啜自武后世為中國忠朝廷肝食傾天下之力不能克郝靈荃得其首自謂不世之功璟以天子好武功恐好事者競生心微倖痛抑其賞逾年始授郎將靈荃慟哭而死范氏曰宋璟可謂賢相矣見其始而知其終沮其勝而憂其敗明皇卒以黷武至於大亂何其智之明歟其可謂賢相矣○璟與頌相得甚厚璟每論事則頌助之璟嘗謂人曰吾與蘇氏父子同居相府僕射寬厚誠為國器若獻可替否則黃門過其父矣上嘗令璟及頌制皇子名及國邑之號又令別制一佳名號進璟頌奏曰七子之均養著於國風今制名號各三十餘混同以進以彰陛下履壽無偏之德上甚善之姚宋相繼為相崇善應變成務璟善

守法持正二人志操不同然協心輔佐使賦役寬平
刑罰清省百姓富庶唐世賢相前稱房杜後稱姚宋
他人莫得比焉二人每進見上輒為之起去則臨軒
送之及李林甫為相雖寵任過於姚宋然禮遇殊卑
薄矣范氏曰三公坐而論道天子所與共天位治天
職者也故其禮不可不尊其任不可不重自堯舜至
于三代尊禮輔相詩書著矣漢承秦敝崇君卑臣然
猶宰相進見天子御坐為起在與為下所以體貌大
臣而風厲其節也開元之初明皇勵精政治優禮故
老姚宋是師天寶以後宴安驕侈倦求賢俊委政羣
下彼小人者唯利是就不顧國體巧言令色以求親
昵人主甘之薄於禮而厚於情是以林甫得容其姦
故人君不體貌大臣則賢者日退而小人日進矣○
紫微舍人高仲舒博通典籍齊澣練習時務姚宋每
坐二人以質所疑既而嘆曰欲知古問高君欲知今
問齊君可以無闕政矣廣州請為璟立遺愛碑璟請

禁之以革詆諛之風於是他州皆不敢立山人范知璿獻所為文璟判之曰觀其良宰論頗涉詔諛文章

若高宜從舉

集覽

僕射謂蘇瓌黃門謂蘇頲開元初

選不可別奏

改門下省為黃門省七子之均養

詩凱風美七子能盡其孝道

質實

徵倖注見宋孝武帝大明二年

罷十道按察使○始制郎御史起居遺補不擬

舊制六品以下官皆委尚

書奏擬是歲始更此制

書法

良法也故特書始

丁巳五年春正月太廟四室壞行幸東都考異

行幸二字當作帝如

上將幸東都會太廟四室壞上素服避殿以問宋璟
蘇頲對曰陛下三年之制未終遽爾行幸恐未契天

心故災異為戒願且停之姚崇曰太廟屋材皆符堅時物朽腐而壞適與行會何足異也百司供擬已備不可失信但遷神主於太極殿更脩太廟耳上大喜從之命崇五日一朝入閣供奉恩禮更厚有大政輒訪焉褚無量言隋文帝富有天下豈取符氏舊材以立太廟比特諛臣之言願陛下克謹天戒納忠諫遠詔諛上弗聽遂幸東都胡氏曰長君之惡其罪小違君之惡其罪大姚崇於是其逢也甚矣大臣以道事君固如是邪因是見唐有天下不自建廟而因隋故居非禮亦大矣太宗營繕甚衆而忽於所當先賢於王珪能幾何哉○上過嶠谷道隘不治欲免河南尹及知頻使官宋璟曰陛下方事巡幸今以此罪二臣臣恐將來民受其弊上遽命釋之璟曰陛下罪之而以臣言免之是臣代陛下受德也請令侍罪朝堂而後赦之質實符堅畧陽氏人晉升平初弒秦王生自上從之質實立為天王太元中入寇敗績為後秦王

姚萇殺之陛下注見漢光武建武二十七年嶠谷注見漢安帝元初二年

書法

上書太廟四室壞下書行幸東都是壞不以行故矣然則無譏歟春秋書世室屋壞譏慢

也況太廟方壞而行幸自如則其為忽宗廟益甚矣姚崇賢相於是凡三獻諛惜哉終綱目宗廟書壞三漢宣帝本始四年是年五代壬子年蜀大水壞其太廟

發明

春秋文公十三年書世室壞而左氏以為書不恭公穀以為譏不脩誠以有國之君莫重

於宗廟而至於圯壞則其怠慢為如何哉玄宗之時太廟室壞此莫大之變也彼姚崇者素以諂君為事日食不應則表賀鼎銘偶合則表賀既有以盡其君之心矣今玄宗當此大變乃欲行幸始焉問之宋璟蘇頌二人對以三年之制未終災異為戒願且停車駕其說甚正使崇亦能以此意告之

猶或可以少警其君今乃以壞與行會為言則是
逢君之惡而遷就其說以合之也誣罔甚矣故綱
目於此書太廟四室壞於上書行幸東都於下則
見玄宗不終禮制不畏天戒不敬宗廟輕事遊幸
一舉而四失皆具而唐人簡於宗廟
不以時加葺治之罪又自見矣吁

二月復置營州

奚契丹內附貝州刺史宋慶禮請復營州制置營州
都督於柳城使慶禮築之三旬而畢慶禮清勤嚴肅
開屯田八千餘所招安流散數
集覽制置屬下句制
年之間倉廩充實市邑浸繁
敕也敕令置立

營州
都督

質實

貝州注見漢安帝建光元
年宋慶禮洛州永年人

秋七月放太常卿姜皎歸田考異

提要太常
作宗政

初上微時與姜皎親善及誅竇懷貞等皎預有功由是寵遇特厚出入卧内至與后妃連榻宴飲宋璟言皎權寵太甚非所以安之上以為然因下制曰西漢諸將以權貴不全南陽故人以優閒自保皎宜放歸田園勲集覽南陽故人漢光武南陽人嚴光字子陵封如故集覽光武之故人也除為諫議大夫光不屈乃耕於正誤南陽故人今按光武南陽故人立功為富春山正誤官不令與政得保福祿者皆是也不當專指質實西漢諸將以權貴不全諸將謂韓信彭越嚴光質實英布輩事在高帝十一年南陽故人以優閒自保故人謂鄧禹李通賈復輩事在光武建武十三年

以張嘉貞為天兵軍大使

嘉貞上言突厥降者散居太原以北請宿重質實太兵以鎮之乃置天兵軍於并州集兵八萬

府名注見齊明帝
建武三年并州

以明堂為乾元殿

太常少卿王仁惠奏則天明堂窮極奢侈不合古制
密通宮掖人神雜擾制復以為乾元殿正至受賀季
秋大享復集覽大享奉上之謂享享通作饗禮書大
就圓丘饗之禮正義曰大饗即食饗也變食
言大崇其名故也不尚重味故食正誤大享今按大
言大此言禮盛不作至味之事享乃祀神之
享如武后大享萬
象神宮即明堂也

九月復舊官名令史官隨宰相入侍羣臣對仗奏事

貞觀之制中書門下及三品官入奏事必使諫官史
官隨之有失則匡正美惡必記之諸司皆正衙奏事

御史彈百官服牙冠對仗讀彈文故大臣不得專君而小臣不得為讒慝及許敬宗李義府用事政多私僻奏事官多俟仗下於御座前屏人密奏監察御史及待制官遠立以俟其退諫官史官皆隨仗出仗下後事不復預聞武后以法制羣下諫官御史得以風聞言事互相彈奏於是多以險詖相傾宋璟欲復貞觀之政制自今事非的須秘密者

集覽

牙冠牙音宅買反異物志

東北荒中有獸名獬豸一角性忠見人鬪則觸不直者聞人論則咋不正者楚懷王嘗獲之以為冠執法者服之故名法冠一曰柱後惠文高五寸一纚為展筒鐵柱卷對仗注見高宗永徽五年仗下專若西漢司馬相如傳適足以專君自損也注專古貶正誤大字史記本傳作貶君一本作專君音訓同不得專君今按相如傳專君自損本作貶非專字也此言中書門下奏事諫官史官隨之諸司皆正衙奏

事御史對仗讀彈文故大臣不得專君專乃
專擅之專集覽不詳上文謂為貶君何哉

書法

良法也此令一出則史無不記之事臣
無私謁之言朝廷清明矣故書予之

發明

開創之君有典則以垂後清明之世無詭祕
之私情太宗令諫官史官隨宰相入閣議事

治致太平自高宗昏庸失德此制遂泯今宋璟輔
政首復舊規雖未能盡如貞觀之盛亦庶幾焉耳
大書于冊
益美之也

謫孫平子為都城尉

伊闕人孫平子上言春秋譏魯躋僖公今遷中宗於
別廟而祀睿宗正與魯同兄臣於弟猶不可躋况弟
臣於兄乎若以兄弟同昭則不應出兄置於別廟願
下羣臣博議遷中宗入太廟太常博士陳貞節馮宗

蘇獻以為七代之廟不數兄弟殷代或兄弟四人相繼為君若數以為代則無祖禰之祭矣今睿宗之室當亞高宗故為中宗特立別廟非躋睿宗於中宗之上也平子誣罔聖朝漸不可長然時論多是平子故議久不決獻題之從祖兄也故題卒

集覽

譏魯躋僖公春秋文

從其議平子論之不已謫都城尉
二年躋僖公注躋升也僖公閔公庶兄繼閔而立廟坐宜次閔下今升在閔上故書而譏之公羊傳曰躋者何升也何言乎升僖公譏何譏爾逆祀也先禰而後祖也注後祖者僖公以臣繼閔公猶子繼父故閔公於文公亦猶祖也都城康州邑名也城本作成史記侯者年表漢昭帝封金安上都成侯索隱曰屬潁川
質實 伊闕縣名注見漢帝立更始二年祖禰注見漢章帝元和二年一統志云都城唐之縣名屬康州宋省入端溪縣故址在肇慶府德慶州東八十二里

冬十二月詔訪逸書

祕書監馬懷素奏省中書頗散闕請選學士整比校補從之於是搜訪逸書選吏繕寫命國子博士尹知章等二十二人於乾元殿前編校刊正以褚無量為之使無量卒國子祭酒元行冲代之九年上其錄凡四萬八千卷

集覽

整比校次之也
比毘至反

戊午六年春正月禁惡錢

敕錢重二銖四分以上乃得行歛人間惡錢銘之更鑄如式宋璟請出太府錢二萬緡以平價貨百姓不售之物可充官用庶使良錢流布人間其後敕太府及府縣出粟十萬石糴之以歛人間惡錢送少府銷

毀質實

惡錢謂鉛鐵相雜及摩質取鉛盜鑄者

徵嵩山處士盧鴻為諫議大夫不受質實

嵩山注見中宗嗣聖十二

年處士注見周赧王元年盧鴻幽州人

書法

書予之也網目書徵士二十有一書不至者八書不屈不就不受不食而卒各一詳漢光

武建武

五年

○夏四月敕度鄭銑郭仙舟為道士

河南參軍鄭銑朱陽丞郭仙舟投匭獻詩敕曰觀其文理乃崇道法至於時用不切事情宜從所好度為道士

質實

河南府名注見秦莊襄王元年三川朱陽縣名未詳沿革投匭注見中宗嗣聖三年道士

注見隋煬帝

大業六年

書法

書敕度何美之也鄭郭獻詩志崇道法蓋執左道以蠱惑其君者也黜為道士足以懲姦

人矣故綱目特書敕度是時玄宗初政清明故有此敕後二十年則有玄宗學博士之置矣

發明

書敕度鄭銑郭仙舟為道士以文觀之似若崇尚異端者而不知二人從宦于時獻詩見

志乃溺於虛無之學故玄宗特以是黜之與太宗之聽蕭瑀出家無異亦可以警流俗矣

秋八月令州縣歲十二月行鄉飲酒禮

胡氏曰物有本末事有終始知所先後則近道矣鄉飲酒者古鄉禮也然必先制民之產使安土樂業急政暴賦無施於其間設為庠序學校教以人倫且興其賢能出長而入治之然後禮樂可行鄉飲酒者其一條也人道所急有冠有婚有喪有祭有燕有射有鄉飲酒其緩急則又有序矣今獨舉鄉飲酒而行之

他皆不及焉安能有益於百集覽鄉飲酒禮禮季冬
姓哉祇為繁文末節而已矣之月正齒位則縣

令為主人鄉之老人年六十以上有德望者一人為
賓其次為介為三賓為衆賓賓主燕飲則司正北面

揚觶而戒之以忠孝之本唐制州貢明經秀才進士
身孝悌旌表門閭者行鄉飲酒之禮皆刺史為主人

先召鄉致仕有德者謀之賢者為賓其次為介又其
次為衆賓與之行禮而賓舉之山堂攷索曰正義曰

鄉飲酒一篇凡有四事一則三年賓賢能二則鄉大
夫飲國中賢者三則州長習射飲酒也四則黨正蜡

祭飲酒也總而言質實設為庠序學校教以人倫孟
之皆謂之鄉飲酒子曰設為庠序學校以教之

庠者養也校者教也序者射也夏曰校殷曰
序周曰庠學則三代共之皆所以明人倫也

書法

鄉飲酒古之所以序長幼也終綱目千數百
年行此禮者開元而已雖舉一廢百而綱目

書之其亦餽
羊之微意歟

始加賦以給官俸

唐初州縣官俸皆令富戶掌錢出息以給之多破產者祕書少監崔沔請計州縣官俸於百姓常賦之外給有所加以微之從之

書法

官俸未有書所出者書加賦何譏也國之有賦以給公上之用百官之祿也唐初制賦不

為輕矣當是時未有養兵之費也而官俸又取之息錢是常賦專以給公上爾人主之心安得不侈乎息錢既弊盍亦以常賦通融給之又加賦焉民之不堪可知矣故特書始終綱目官俸書所出者

二是年代宗廣德二年稅

青錢錢給官俸皆譏也

發明

官俸當給則官給之可也若官中歲計不足則當量入為出會計而均通之足矣今崔沔

乃請於常賦之外微有所加以給之則是公家有給俸之名而其實出於他人爾取他人之物以示已恩固不若不給之為愈然則書始加賦以給官俸豈不深為可戒而適足為笑哉

冬十一月帝還西京○吐蕃請和

吐蕃奉表請和乞舅甥親署誓文及令彼此宰相皆著名其上

以李邕鄭勉為遠州刺史李朝隱為大理卿陸象先為

河南尹

宋璟奏邕勉並有才畧文詞俱好是非改變若全引進則咎悔必至若長棄捐則才用可惜請以為渝峽

刺史大理卿元行冲不稱職請以朝隱代之象集覽

先閑於正體寬不容非請以為河南尹皆從之

渝峽渝水在遼西臨渝東出塞隋置渝州案峽州秦

將白起攻楚燒夷陵即其地周以居三峡之口因為

峽質實

渝峽二州名渝注見周顯王八年巴

州

郡峽注見周赧王三十七年夷陵

未巳七月夏四月祁公王仁皎卒質實祁州名注見中宗

嗣聖八年義豐

仁皎后父也其子駙馬都尉守一請用實孝謹例築

墳高五丈一尺上許之宋璟蘇頌以為準令一品墳

高一丈九尺其陪陵者高出三丈實太尉墳議者頗

譏其高大至韋庶人崇其父墳以自速禍豈可復踵

為之臣等所以再三進言者欲成中宮之美耳上說

曰朕每欲正身率下況於妻子何敢私之卿能固守

典禮垂法將集覽陪陵陪侍也陪葬於君后之陵墓

來誠所望也者實孝謹岐州人毅之後實太尉

謂孝
也

五月朔日食

上素服以俟變微樂減膳命中書門下察繫囚賑饑
乏勸農功宋璟奏曰陛下勤恤人隱比誠蒼生之福
然臣聞日食脩德月食脩刑親君子遠小人絕女謁
除讒慝所謂脩德也君子耻言浮於行苟推至誠以
行之不必數集覽人隱隱幽也閭閻之陋人主所難
下制書也知者女謁婦人請託也言浮於行
浮過也行言迹也謂所言過於所行也正誤勤恤人
或曰浮者如物之浮於水上不著實也
人隱民之憂戚也質實日食注見漢惠帝七年
唐諱民字多作人質實年月食注同上年

秋八月敕五服並從禮傳

右補闕盧履冰言禮父在為母服周年則天改服三年今請從舊上下其議褚無量是履冰議敕自今五服並依喪服傳文然士大夫議論猶不息行之各從其意無量歎曰聖人豈不知母恩之厚乎厭降之禮所以明尊卑異方域也俗情膚淺一紊其制誰能正之

集覽

則天改服三年高宗時請自今父在

為母服齊衰三年厭降之禮厭損降下也禮子為母服齊衰三年父在則厭降服齊衰期也喪服小記注父在厭也厭一妾反又於豔反

九月徙宋王憲為寧王質實

寧州名注見肅宗上元元年

憲成器改名也上嘗從複道中見衛士食畢而棄其餘於實怒欲殺之憲諫曰陛下窺人過失而殺之臣恐人人不自安且陛下惡棄食者為食可以養人也今以餘食殺人無乃失其本乎上大悟遽釋之是日

宴飲極歡上自解
紅玉帶以賜之

以突騎施蘇祿為忠順可汗

庚申八年春正月宋璟蘇頲罷

上以王仁琛藩邸故吏墨敕與五品官宋璟曰仁琛
尋緣舊恩已獲優改又是后族須杜興言乞下吏部
檢勘苟無負犯請依資稍優注擬從之寧王憲奏選
人薛嗣先請授微官璟奏嗣先以懿親之故固應微
假官資然自大明臨御斜封墨敕一皆杜絕望付吏
部知不出正敕從之先是朝集使往往齎貨入京師
將還多遷官璟奏一切勒還以革其弊璟又疾負罪
而妄訴不已者悉付御史臺治之人多怨之者會天
旱優人作魃狀戲於上前問魃何為出對曰奉相公
處分又問何故對曰負冤者三百餘人相公悉以繫

獄故不得不出爾上心以為然時江淮間惡錢尤甚
璟使監察御史蕭隱之括之隱之嚴急煩擾怨嗟盈
路於是貶隱之官罷璟頤弛錢禁而惡錢復行矣胡
氏曰惡錢之弊不可不革其失在所遣使人嚴急煩
擾而以之罷宰相何也玄宗外雖重璟心實厭之優
人中傷安知非楊思勗之徒懷宿憾而基使為之乎
姚崇張說善於迎合故罷而復用宋璟蘇頲介然守
正故斥而不復甚哉君子之難合也史論賢相姚宋
並稱姚非宋公比也安得齊名必也

集覽

大明臨御
東漢馬融

傳大明生東注大明日也今玄宗如日之在上故曰
大明也臨御義取尚書臨下御衆斜封墨敕中宗時
公主婕妤皆依執用事於側門請謁受賕雖屠沽臧
獲用錢三十萬則別降墨敕除官斜封以付中書時
號斜封官知不出正敕天子敕書須中書省宣署申
覆然後施行謂之正敕玄宗覺知宋璟必不肯降出

正敕遂從其奏。魃狀魃之形狀也。詩大雅旱魃為虐。注魃音跋。旱神也。神異經南方有神長二三尺袒身目在頂上。行走如風。名曰魃。所見之國大旱赤地千里。一名旱母。中傷中竹。仲反。陰中害之也。戰國策曰必中於趙矣。注猶射中的也。正誤望付吏部知不出。基使基渠記反。教也。謀也。正誤正敕從之。今按知字當屬上文。為句。璟謂望以薛嗣先事付吏部知之。從主者施行。不別其敕也。正敕猶通鑑乾元二年肅宗所謂質實。優人即伶官。注見正言也。高宗咸亨三年。

以源乾曜張嘉貞同平章事

初嘉貞為天兵軍使入朝。有告其奢僭。賊賄者按驗。無狀。上欲反坐告者。嘉貞奏曰。今若罪之。恐塞言路。使天下之事無由上達。其人遂得減死。上以嘉貞為忠用之。

夏五月復置十道按察使○以源乾曜為侍中張嘉貞為中書令

乾曜上言形要之家多在京官使俊乂之士沈廢於外臣三子皆在京請出其二上從之於是出者百餘人嘉貞吏事彊敏剛躁自用引進苗延嗣呂太一員嘉靜崔訓與論政事四人頗招權時人語曰令公四俊苗呂集覽員王問質實俊乂釋名云才過崔員及姓也質實干人曰俊乂治也

六月漚穀溢考異

漚上當有質實水字疑漏

質實

漚穀二水名漚注見梁武帝大同九年穀

注見漢王邦二年

漂溺幾二千人

朔方大使王峻誘殺突厥降戶僕固勻磨

突厥降戶散居受降城側朔方大使王峻言其陰引
突厥謀陷軍城誘僕固都督勻磨而殺之拔曳固諸
部聞之皆懼并州長史張說引二千騎持節即其部
落慰撫之因宿其帳下副使李憲以敵情難信馳書
止之說復書曰吾肉非黃羊必不畏食血非野
馬必不畏刺此吾効死之秋也諸部由是遂安
勻磨都督名質實受降城注見中宗景龍二年朔方
也勻職各反質實郡名注見漢武帝元朔元年内非
黃羊必不畏食血非野馬必不畏刺未詳其義

書法

凡書誘殺譏也書大使甚譏之也若曰
以中國大使而行詐於降人可愧甚矣

發明

誘殺之非前已論之詳矣書大
使而誘殺突厥降戶尤可耻也

冬十月流裴虛已於新州

上禁約諸王不使與羣臣交結駙馬都尉裴虛已與
岐王範遊宴私挾讖緯坐流新州離其昏上待範如
故謂左右曰吾兄弟自無間但趨競之質實見齊武
徒彊相託附耳吾終不以此責兄弟也

帝永明三年新州注
見梁武帝大同七年

十一月突厥寇涼州

先是王峻奏請西發拔悉密東發奚契丹掩毘伽於
奚落水上毘伽大懼瞰欲谷曰不足畏也拔悉密在
北庭與奚契丹相去絕遠執不相及且拔悉密輕而
好利得賁之約必喜而先至峻與張嘉貞不相悅奏
請多不相應必不敢出兵拔悉密獨至擊而取之勢
甚易耳既而拔悉密果發兵逼突厥牙帳朔方奚契

丹兵不至拔悉密退毘伽欲擊之瞰欲谷曰此屬去
家千里將死戰未可擊也不如以兵躡之先分兵間
道圍北庭因縱兵擊拔悉密拔悉密敗走北庭不得
入盡為突厥所虜瞰欲谷還出赤亭掠涼州河西節
度使楊敬述遣裨將盧公利邀之大集覽拔悉密北
敗毘伽由是大振盡有默啜之衆狄種名拔
音跋輕而輕去聲左傳戎輕而不整注輕不持重也
牙帳帳謂旃帳虜俗於帳前立燹為牙門故曰牙帳
質實河西郡名注見漢安帝元初二年

辛酉九年春正月改蒲州為河中府置中都質實

蒲州注見周報

王十二年蒲坂

○二月以宇文融為勸農使

監察御史宇文融上言天下戶口逃移巧偽甚衆請
加檢括源乾曜贊成之敕有司議招集流移按詰巧

偽之法以聞制州縣逃亡戶口聽百日自首或於所
在附籍或牒歸故鄉各從所欲過期不肯謫徙邊州
以融充使奏置勸農判官十人分行天下其新附客
戶免六年賦調使者競為刻急州縣承風勞擾百姓
苦之陽翟尉皇甫憬上疏言之生貶州縣希旨虛張
其數或以實戶為客凡得戶八十餘萬田亦如之

質實

陽翟縣名注見
周安王二年

突厥遣使求和

突厥毘伽遣使求和上賜書諭以曩昔和親華夷安
逸默啜無信數寇邊鄙人怨神怒隕身喪元今可汗
復蹈前迹掩襲甘涼隨遣求好國家天覆海容不追
往咎可汗果有誠心則共保遐福不然無煩使者徒
爾往來若其侵邊亦有質實可汗夷狄君長號注見
以待可汗其審圖之

質實

漢後主景耀四年甘涼

二州名甘注見晉安帝隆安三年張
掖涼注見漢光武建武十年武威

夏四月敕舉縣令

敕京官五品以上外官刺史四府上佐
舉縣令一人視其政善惡為舉者賞罰
京兆河南河中太原也別
駕長史司馬通謂之上佐

六月罷中都

蒲州刺史陸象先政尚寬簡吏民有罪曉諭遣之嘗
謂人曰天下本無事但庸人擾之耳苟清其源何憂
不治

秋七月蘭也州胡康待賓反王暉等擒斬之

初蘭也州胡康待賓誘諸降戶同反攻陷六胡州有衆七萬命朔方大總管王峻太僕卿王毛仲天兵軍節度大使張說共討之峻攻待賓擒之集四夷酋長腰斬之先是叛胡潛與党項通謀攻銀城連谷張說將步騎萬人出合河關掩擊大破之党項更與胡戰胡衆潰說安集党項使復其居業阿史那獻以党項翻覆請并誅之說曰王者之師當伐叛柔服集覽阿史那獻阿史那突厥質實酋長注見漢帝玄更始二年三字姓獻其名也酋豪党項西羌別種注見陳後主至德四年銀城注見漢宣帝甘露三年光祿塞一統志云連谷隋之鎮名唐改為縣宋政和中廢故址在延安府神木縣舊麟州北一十里合河關在太原府興縣北乃唐時所置麟州本漢之五原西河二郡地後周為銀勝二州地屬雕陰郡隋仍舊唐開元初置麟州後改新秦郡尋廢乾元初復為州宋初移

治吳兒堡尋陞建寧軍端拱初改鎮西軍元於此
置雲州後改為神木縣本朝因之改屬延安府

九月朔日食○康待賓餘黨復叛貶王叡為梓州刺史

待賓之反詔河西隴右節度大使郭知運與王叡討
之叡言朔方兵自有餘力請敕知運還未報知運已
至由是與叡不協叡所招降者知運縱兵質實梓州
擊之虜以叡為賣已由是復叛叡遂坐貶
漢獻帝建安十八年梓潼

梁文獻公姚崇卒考異

此誤書證

考證

當去文獻二字分注證文獻

崇遺令曰佛以清淨慈悲為本而愚者寫經造像冀
以求福昔周毀經像而脩甲兵齊崇塔廟而弛刑政
一朝合戰齊滅周興汝曹勿效兒女子終身不寤追
薦冥福道士見僧獲利效其所為尤不可延之於家

永為質實

周毀經像而脩甲兵事在陳宣帝大建六年齊崇塔廟而弛刑政事在陳宣帝大建

年八

以張說同三品○以王君奐為河西隴右節度大使

君奐與郭知運皆以驍勇著名為虜所憚至是知運卒君奐自麾下代之

集覽

君奐與質救畧反質

實

麾下注見漢獻帝建安十四年

冬十一月罷諸王都督刺史召還○新作蒲津橋質實

蒲津橋注見梁

武帝大同元年

書法

西晉之初書作河橋矣於是復書蒲津皆津要也終綱目書作橋三晉初甲午年是年憲

宗元和八年
吐蕃烏蘭橋

○安州別駕劉子玄卒質實

安州注見周世宗顯德五年

子玄即知幾也以字行初著作郎吳兢撰則天寶錄
言宋璟激張說使證魏元忠事後說脩史見之謬曰
劉五殊不相借兢起對曰此兢所為史草具在不可
使明公枉怨死者同僚皆失色其後說陰祈兢改數
字兢曰若徇公請則此史集覽史草撰史
不為直筆何以取信於後之草本

書法

別駕未有書卒者卒子玄何錄
良史也綱目卒別駕一而已

造新歷及黃道遊儀

太史言麟德歷浸疎日食屢不效上命僧一行更造
新歷梁令瓚造黃道遊儀以候七政遣太史監南宮

說等於河南北平地測日晷及極星夏至日中立八尺之表同時候之陽城晷長一尺四寸八分弱夜視北極出地高三十四度十分度之四浚儀岳臺晷長一尺五寸微強極高三十四度八分南至朔州晷長一尺七寸七分極高二十九度半北至蔚州晷長二尺二寸九分極高四十度南北相距三千六百八十八里九十步晷差一尺五寸三分極差十度半又南至交州晷出表南三寸三分八月海中南望老人星下衆星粲然皆古所未名大集覽僧一行更造新歷率去南極二十度已上皆見一行名也姓張氏鄴國公公謹之孫為僧隱嵩山詔新造歷一行於是推大衍數立術以應之撰開元大衍歷道士邢和璞嘗謂尹愔曰一行其聖人乎漢時洛下閎造歷云後八百歲當差一日必有聖人正之今年期畢矣而一行造大衍正其差謬則洛下閎之言信矣梁令瓚造黃道遊儀一行改造新歷欲知黃道進退而太史無

黃道儀梁令瓚以木為遊儀一行是之乃奏曰李淳
風黃道儀法頗難術遂廢臣更造遊儀使黃道交於
奎軫之間內施白道月環簡而易從其儀以古尺四
分為度旋樞雙環其表一丈四尺六寸一分縱八分
厚三分直徑四尺五寸九分古所謂旋儀也案李淳
風黃道儀以玉衡璇璣表裏三重其在外者曰六合
儀次其內曰三辰儀其最在內者曰四遊儀四遊者
以其東西南北無不周徧也舜典璿璣玉衡下蔡氏
傳頗詳南宮說南宮複姓說名也河南北平河南即
洛州也玄宗改河南府北平郡屬幽州今定州北平
縣是日晷樞要云日光曰景日影曰晷晷長則表影
短晷短則表影長極星是為北辰其星有五在紫微
中天運大窮三光迭曜而極星不移陽城注見秦二
世元年文公語錄曰今之地中與古不同漢時陽城
是地中宋朝岳臺是地中已自差許多後儀岳臺岳
臺在開封府浚儀縣浚儀注見漢明帝永平十二年

朗州朗本作閬秦巴郡閬中縣也唐改閬州在利州東路蔚州本地地周宣帝置蔚州今屬上都路飛狐縣在其南交州本百粵地漢武置交州隋改廣州屬廣東道老人星下衆星天官書南極老人老人見治安不見兵起正義曰老人一星在弧南一曰南極為人主壽長之應常以秋分之曙見於丙申分之夕見於丁不見人主憂也其下衆星古未名正誤河南北者史云乃渾天家以為常沒地中者

按此當謂於河南河北質實陽城縣名注見隋煬帝之平地上測度日晷也大業十三年一統志云浚儀漢之縣名屬陳留郡魏晉以後皆因之東魏於此置梁州後周改汴州隋廢陳留郡以縣屬鄭州唐於此置汴州以開封縣省入尋復舊宋初改祥符縣金元因之本朝復以開封縣併入為開封府治所仍屬焉七政書舜典篇在璇璣玉衡以齊七政注日月五星也亦曰七曜朗州注見漢光武建武二十四年

武陵蔚州注見楚義帝元年代
國交州注見宣宗大中二年安南

書法

書歷多矣唯太初書造於是復見予一行也
後此則唯王朴欽天書作蓋皆予之渾儀必

書重象器也終綱目書渾

儀四書儀一詳宋丙子年

壬戌十年春正月幸東都考異

此句上漏帝字幸當作如

○夏四月以

張說兼知朔方軍節度使

置朔方節度使領單于都護府夏鹽等六州二軍三
受降城以宰相張說兼領之范氏曰宰相之職無不
總統而節制一道此開元之亂制也夫宰相百官之
首名且不正則何以正百官矣自古官制之紊未有
如開元
質實
夏鹽二州名注見
德宗貞元三年

五月伊汝水溢質實

伊汝二水名伊注見漢高后三年汝注見梁武帝普通六年

漂溺數

千家

六月博州河決質實

博州注見漢光武建武八年東郡

書法

自王莽辛未書河決其後無書者至是七百餘年始復一書豈王莽不塞之私反足以便

水之性歟

○制增太廟為九室

增太廟為九室遷中宗還太廟范氏曰天子七廟而祖功宗德其廟不毀則無世數自古以來未之有改也明皇始為九廟過其制矣夫禮不可多也不可寡也三代之禮所以為後世之法者盡矣唐制何所取

乎質實

七廟注見宋明帝太始七年

書法

書譏非古也古者天子七廟唐遷中宗而祀之別廟非矣於是復還太廟而增為九室則

中睿昭穆之次必有所處可也其如庚古何哉凡增者不宜增者也是故漢壇塲珪幣書增文帝十四年唐太廟九室書增是年宗廟籩豆書增開元二十四年皆譏也

秋安南亂遣內侍楊思勗討平之質實

安南府名注見宣宗大中二年

書法

書遣內侍何譏也亂既平矣何譏焉輕國體重閣權兩失之矣內臣總兵始此故謹書之

綱目內臣以軍功見者三是年十六年再書僖宗中和元年楊復光○此後世內臣專兵之始真德秀曰唐世中人預國政自玄宗任高力士始中人預軍政自玄宗用楊思勗始

發明

春秋襄十八年諸侯伐齊從齊師齊有寺人風沙衛者連大車塞隧而殿齊臣殖綽郭最

謂之曰子殿國師齊之辱也夫以寺人殿師若未甚害而齊人遽謂辱國誠以刀鋸之餘不過供戶庭灑掃之役若與聞軍政則是國為無人此殖綽郭最所以深惡之也嗚呼諸侯且爾況天子乎唐之玄宗削平內難興復唐室勵精為治幾致太平可謂盛天子矣然寵任宦者遂為亡國之本有如安南之亂豈無將臣可遣而必以內臣為之是以綱目於此特書內侍以志其失其為風沙衛也大矣然則以內臣而總王師勝負皆辱何待他時魚朝恩吐突承瓘田令孜之徒而後知其辱軍政哉

○杖祕書監姜皎流之欽州質實

欽州注見隋文帝開皇十七年

初上之誅韋氏也王皇后頗預密謀及即位色衰愛弛武惠妃陰懷傾奪之志上密與皎謀以后無子廢

之皎洩其言上怒張嘉貞希旨構成其罪云皎妄談
休咎杖而流之卒於道敕宗戚自非至親無得往還
卜相占候之人不
得出入百官之家

北庭節度使張嵩擊吐蕃大破之

吐蕃圍小勃律王沒謹忙謹忙求救于嵩嵩遣副使
張思禮將蕃漢步騎四千倍道合擊大破之斬獲數
萬自是累歲吐集覽小勃律王沒謹忙小勃律西
蕃不敢犯邊域國去京兆七千里而羸其王
姓沒名吐蕃西羌種名注質實見太宗貞觀八年
謹忙

張說巡邊討康待賓餘黨平之奏罷邊兵二十萬人

康待賓餘黨康願子反自稱可汗張說發兵追討擒
之其黨悉平徙殘黨五萬餘口於許汝唐鄧仙豫等

州空河南朔方千里之地先是緣邊戍兵常六十餘萬說以時無彊寇奏罷二十餘萬使還農上以為疑說曰臣久在疆場具知其情將帥苟以自衛及役使營私而已若禦敵制勝不必多擁冗卒以妨農務上乃從質實許汝唐鄧仙豫等州許註見漢光武建武八年長社汝注同上建武二年梁縣唐注見齊武帝永明五年泚陽鄧注見周赧王十四年穰仙未詳沿革豫注見漢光武建武十九年汝南

始募兵充宿衛

初諸衛府兵自成丁從軍六十而免其家不免雜徭浸以貧弱逃亡畧盡百姓苦之張說建議請召募壯士充宿衛不問色役優為之制逋逃者必爭出應募上從之旬日得精兵十三萬分隸諸衛更番上下兵農之分自此始矣范氏曰唐制諸衛府有為兵之利而無養兵之害田不井而兵猶藏於民最為近古而

便於國者也開元之時其法寔隳張說不究其所以而輕變之兵農既分卒不能復則說之為也夫三代之法出於聖人及其末流亦未嘗無弊救之者舉其偏以補其弊而已若并其法廢之而以私意為一切苟簡之制此後集覽府兵唐初置府兵以驃騎車騎世所以多亂也西將軍府領之天下既定改驃騎曰統軍車騎曰別將後太宗更統軍為折衝都尉別將為果毅都尉諸府總名曰折衝府天下凡十道置府六百三十四皆有名號而關內二百六十一皆隸諸衛凡府有三等兵千二百人為上千人為中八百人為下不問色役七制作簡色役注簡猶省也色役謂諸色雜徭役

書法

志府兵所以廢也故特書始

冬十月復以乾元殿為明堂質實

明堂注見漢武帝建元元年

書法

武氏毀乾元作明堂則新之矣帝以不依古制復廢為殿似也別議新之豈無其地於是

廢已六年復為明堂則人神之瀆益甚矣又十六年而復毀為殿謂之何哉故已外復修東都明堂不書以為不足書也故削之

○十一月初令宰相共食實封三百戶○十二月永穆

公主適王鈞考異

永上漏以字

敕以永穆公主下嫁資送如太平公主故事僧一行諫曰武后惟太平一女故資送特厚卒以驕敗奈何以為法乎質實一統志云永穆隋之縣名屬巴州唐上遽止之屬通州宋始改永睦元省之故址在

夔州府達縣西一百里

書法

於是救資送如太平以一行諫而止書美之也

癸亥十一年春正月帝北巡詔潞州給復五年以并州為

太原府置北都質實

潞州注見周赧王五十三年上黨

書法

潞州何潛藩也高帝之沛光武之春陵則帝鄉也潛藩耳而復焉亦濫恩矣故書譏之

○二月張嘉貞罷

張說與嘉貞不平會嘉貞弟嘉佑賊發說勸嘉貞素服侍罪於外遂左遷幽州刺史初廣州都督裴仙先下獄上與宰相議其罪嘉貞請杖之說曰刑不上大夫為其近君且所以養廉耻也蓋士可殺不可辱臣竊巡北邊聞姜皎杖於朝堂皎官登三品亦有微功奈何以皂隸待之事往不可返豈宜復蹈前失上深

然之嘉貞不悅退謂說曰何論事之深也說曰宰相時來則為之若大臣皆可答辱行及吾輩矣此言非為仙先乃為天下士質實左遷注見漢宣帝元康二年廣州注見秦始皇三十三年南海刑不上大夫注見漢文帝六年

祭后土于汾陰

初上將幸晉陽張說言於上曰汾陰睢上有漢后土祠其禮久廢陛下宜因巡幸脩之為農祈穀上從之

集覽

汾陰睢上注見漢武帝元鼎四年

質實

晉陽縣名注見周威烈王二十三年漢后土祠

注見漢武帝元鼎四年

貶王同慶為贛尉

坐為平遙令廣為

集覽

章有贛尉贛縣之尉也漢地志豫

音感章貢二水合流漢即其間立縣因贛實一統志
名焉晉立南康郡隋置虔州宋改贛州云贛漢
之縣名屬豫章郡東漢屬廬陵郡吳屬南部都尉晉
始為南康郡治隋初改南康縣後復為贛縣唐為虔
州治宋元仍舊本朝因之為贛州府治仍屬焉平遙
古地名漢為平陶縣屬太原郡東漢屬西河郡晉屬
太原國後魏以太武名燾改平遙縣屬西河郡後周
省隋復置屬介休郡唐屬介州貞觀初屬汾州後屬
太原府宋金仍舊元屬
汾州本朝因之仍屬焉

以張說兼中書令○罷天兵大武等軍○三月帝至西

京○夏四月以王峻同三品兼朔方軍節度大使○五

月置麗正書院

上置麗正書院聚文學之士或脩書或侍講以張說為使有司供給優厚中書舍人陸堅以為無益徒費欲奏罷之說曰自古帝王於無事之時莫不崇宮室廣聲色今天子獨延禮文儒發揮典籍所益者大所損者微陸子之言何不達也

書法

書美之也太宗書弘文玄宗書麗正皆美之也終綱目書書院一而已○書書院始此

秋八月敕州縣安集逃戶

敕前令檢括逃人慮成煩擾宜令所在州縣安集遂其生業

尊獻祖懿祖祔于太廟

宣帝為獻祖
光帝為懿祖

冬始置長從宿衛

命尚書左丞蕭嵩與京兆蒲同岐華州長官選府兵
及白丁一十二萬謂之長從宿衛一年兩番州縣毋
得役
集覽 京兆蒲同岐華京兆今西安府是蒲漢天
使 水郡唐改蒲州今秦州是同漢馮翊郡魏

改同州岐漢扶風郡魏改岐州唐
改鳳翔府華即華陰魏改華州
質實 蕭嵩蘭陵人
梁明帝之後

一統志云京兆郡名本周之王畿地秦置內史以領

關中漢初置渭南郡尋罷郡復置內史景帝分置左

右內史此為右內史武帝改京兆尹與左馮翊右扶

風為三輔東漢於此置雍州尋罷三國魏改尹為守

晉置雍州理京兆未幾為劉石苻姚所據後魏仍置

雍州西魏後周皆置京兆尹隋初置雍州尋改為京

北郡唐初復為雍州又改京兆郡尋復雍州開元初
改京兆府自周秦漢晉西魏後周隋唐並都於此唐
末為佑國軍五代梁改永平軍後唐復為京兆府晉
改曰晉昌漢改曰永興宋仍為京兆府屬永興軍路
金屬京兆府路元改西安路後改奉元路本朝改為
西安府隸陝西道蒲州名注見周赧王十二年蒲坂
同州名木周之大荔國秦為內史地漢初置河上郡
後為左內史武帝時改左馮翊三國魏為馮翊郡後
魏兼置西華州西魏改為同州取禹貢澧水攸同之
義隋罷州復置馮翊郡唐初復為同州治馮翊縣天
寶初復為馮翊郡乾元初復為同州後為匡國軍五
代梁改忠武軍後唐復舊宋改定國軍屬永興路金
屬京兆府元仍為同州以馮翊縣省入本朝因之屬
西安府岐州名注見周顯王八年華州名本周時鄭
桓公始封之地其地亦名咸林秦為內史地漢魏晉
並為京兆弘農二郡地後魏置華山郡又改東雍州

西魏改為華州隋省後置華山郡唐復為華州垂拱
初改太州天寶初改華陰郡後復為華州乾寧中陞
興德府又為鎮國軍五代梁改威化軍唐復鎮國軍
宋改鎮潼軍金改金安軍元復為華州後以鄭縣省
入本朝因之
屬西安府

書法

志府兵所以終
廢也故再書始

發明

府兵唐之良法也然久而不能無弊要當舉
其偏而補之足矣不是之思乃輕於變法果

何意哉綱目前書始募兵充宿衛此書始置長從
宿衛始之一詞所以志變法之端使後人得以推
考焉耳任是責
者豈非張說乎

十二月貶王峻為蘄州刺史質實

蘄州注見陳宣帝
大建五年齊昌

改政事堂為中書門下

張說奏改之列五房
於其後分掌庶政

甲子十二年春三月以杜暹為安西副大都護

初監察御史杜暹因按事至突騎施突騎施饋之金
暹固辭左右曰君寄身異域不宜逆其情乃受之埋
於幕下出境移牒令取之施大驚追之不及及質實
安西都護闕暹自給事中居母憂詔起為之

杜暹濮州人安西都護
注見高宗永淳元年

書法

於是都護闕暹以母憂詔起復為之不書起
復何金革事也綱目書起復皆識辭惟表祭

以國難杜暹以金
革無譏也故不書

夏五月停按察使

書法

自景雲二年至是十四年凡三置三罷及三年而復置政令之不一甚矣

○復以宇文融為勸農使

制聽逃戶自首闢所在閒田隨宜收稅毋得差科征役租調一皆蠲免遣宇文融巡行州縣議定賦役

書法

書復以何貳過也帝之興利始益急矣

六月制選臺閣名臣為諸州刺史

上以山東早命選臺閣名臣出為刺史初張說引崔沔為中書侍郎故事承宣制皆出宰相侍郎署位而已沔曰設官分職上下相維各申所見事乃無失侍郎令之貳也豈得拱默而已由是事多異同說因是

出質實

山東道名注見宋文
帝元嘉二十五年

秋七月以楊思勗為輔國大將軍考異

楊字上當加內
侍二字疑漏

溪州蠻覃行璋反以思勗為
招討使擊擒之故有是命

質實

一統志云溪州古
蠻夷地春秋楚國

之境秦屬黔中郡漢以後為武陵郡地隋為辰州地
唐天授初析置溪州或為靈溪郡五代時屬楚馬氏
宋初為永順州及上中下溪三州嘉祐中溪州刺史
彭仕義叛臨以大兵仕義降熙寧中築下溪州城賜
名會溪隸辰州元時彭萬潛自改為永順等處軍民
安撫司後彭天寶又改宣撫司本朝初內附後陞為
永順等處軍民宣慰
使司隸湖廣都司

書法

自單超始書為將軍至張讓再見力士三見
然未稱大將軍也宦者稱大將軍始此自是

高力士程元振大將軍楊復恭上將軍不可勝書
矣網目宦者稱大將軍三稱上將軍一○內臣為
將軍稱
大始此

廢皇后王氏

姜皎既得罪王皇后愈憂畏不安上猶豫不決者累
歲后兄守一以后無子使僧明悟為后祭南北斗剖
霹靂木書天地字及上名佩之事覺廢為庶人集覽
守一賜死廢后尋卒後宮思慕不已上亦悔之
霹靂木雷質實猶豫注見秦
所震之木孝文王元年

書法

於是后兄守一為后祈祭書上名使后佩之
則后亦不為無罪矣其以無罪之辭書之何
誅意也自惠妃嬖而后有必廢之勢上之欲廢后
數年矣不為是也網目深探其情故書曰廢皇后

王氏

八月以宇文融為御史中丞

融為御史中丞乘驛周流天下事無大小州先牒上勸農使然後申中書省司亦待融指搆然後處決上將大攘四邊急於用度融以歲終所增緡錢數百萬悉進入官由是有寵議者多言煩擾上令百寮議之公卿畏之皆不敢言戶部侍郎楊瑒獨抗議以為括客免稅不利居人徵籍外田稅使百姓困弊所得不補所失未幾出集覽括客括檢也客謂避役逃戶非為華州刺史土著也籍外田見存籍內者為正田籍外括出者為義田皆民所隱匿者

冬十一月帝如東都質寶

東都注見秦莊襄王元年三川

○羣臣請封

禪

時張說首建封禪之議而源乾質實封禪注見秦始
曜不欲為之由是與說不平皇二十八年

書法

書羣臣請何罪請者也自是帝之驕
心始放矣免於責者其源乾曜乎

乙丑十三年春二月以宇文融兼戶部侍郎

制以所得客戶稅錢均充所在常平倉本又委使
司與州縣議作勸農社使貧富相恤耕耘以時

更命長從宿衛為彍騎

總十二萬人分隸十二衛六番集覽

彍騎彍苦郭反滿張弩也彍騎
一曰射騎其法十人為火五火

為團皆有酋長又擇材勇者為番頭習弩射十二衛
六番唐百官志八衛各有左右曰左右衛曰驍衛曰

武衛曰威衛曰領軍曰金吾曰監門曰千牛共十六衛自左右衛至領軍並掌宮禁宿衛金吾掌宮中京城警監門掌諸門禁衛千牛掌侍衛凡五府外府之番上者十二衛受其名簿而配以職除監門千牛凡左右四衛不須故但十二衛每衛萬人分為六番番者更代宿衛也

選諸司長官為諸州刺史

上自選諸司長官有聲望者十一人為刺史命宰相百官餞於洛濱供張甚盛自書十韻詩賜之左丞楊承令在行中意怏怏質實洛濱洛水之濱注見漢高上怒貶睦州別駕后三年怏怏注見漢光武

建武二年睦州注見憲宗元和二年

三月禁錮酷吏來俊臣等子孫質實

禁錮注見漢章帝元和二年

夏四月更集仙殿為集賢殿

上與中書門下及禮官學士宴於集仙殿上曰仙者憑虛之論朕所不取賢者濟理之具今與卿曹合宴宜更名曰集賢其書院官五品以上為學士六品以下為直學士以張說知院事右散騎常侍徐堅副之

書法

魏明更崇華殿為九龍不書書崇華此其書更名何嘉與賢也至書名其宮華清則大非

今日之

玄宗矣

遣使如突厥

張說以大駕東巡恐突厥乘間入寇議加兵守邊召兵部侍郎裴光庭謀之光庭曰封禪者告成功也今將升中于天而塞外是懼非所以昭盛德也突厥屢求和親未許今遣一使徵其大臣從封泰山彼必欣

然承命突厥來則外蕃君長無不偕來可以偃旗卧
鼓矣說即奏行之上遣中書直省袁振諭旨於突厥
小殺與闕特勒璦欲谷環坐帳中置酒謂振曰吐蕃
之族奚契丹本突厥奴也皆得尚主突厥求昏獨不
許何也且吾亦知入蕃公主皆非天子女今豈問真
偽但屢請不獲愧見諸蕃耳振許為之奏請小殺乃
遣其大臣阿史德頡利發入貢因扈從東巡
其後頡利發辭歸厚賜而遣之竟不與婚
于天記禮器曰升中于天而鳳凰降龜龍假注云升
上也中猶成也謂巡守至於方嶽燔柴祭天告以諸
侯之成功也小殺突厥君長名阿史德頡利發阿史
德虜三字姓也突厥大臣之官稱凡一十有八等頡
利發其質實
一也
始光庭聞喜人行儉之子泰山注見秦
年
始光二十八年扈從注見昭宗乾寧四

集覽
升中

秋九月禁奏祥瑞

上謂宰臣曰春秋不書祥瑞惟記有年敕自今州縣毋得更奏祥瑞

發明

是時玄宗政事猶為精明故一時所書如選名臣為刺史禁酷吏子孫更集仙殿為集賢

及禁奏祥瑞之類班班見於直筆者皆有足取使其始終若此豈不為盛德之君哉

冬十月作水運渾天成質寶

水運渾天注見漢順帝陽嘉二年

水運渾天上具列宿注水激輪令其自轉晝夜一周別置二輪絡在天外綴以日月逆天而行淹速合度置木匱為地平令儀半在地下又立二木人每刻擊鼓每辰擊鍾機械皆藏匱中

十一月封泰山

車駕發東都百官外蕃從行有司輦載供具數百里
不絕上備法駕至山足御馬登山與宰相及祠官俱
登問禮部侍郎賀知章曰前代玉牒之文何故祕之
對曰或密求神仙故不欲人見上曰吾為蒼生祈福
耳乃出玉牒宣示羣臣於是親祀昊天上帝於山上
羣臣祀五帝百神於山下明日祭皇地祇於社首又
明日御帳殿受朝覲赦天下封泰山神為天齊王張
說多引兩省吏及所親攝事禮畢推恩往往超入五
品而不及百官中書舍人張九齡諫不聽又扈從士
卒但加勲而無賜物由是中外怨之胡氏曰玄宗于
是侈心未彰方降詔旨不奏祥瑞其意亦可尚矣張
說無故建議東封以啟驕怠之原忠賢愛君果如是
乎而明皇自謂吾為蒼生祈福者則亦惑之甚矣夫
福非可求而取之之物也百姓之所謂福曰壽富康
寧而已上好儉而民財豐節力役而民力裕養生送
死無憾則四海皆躋乎仁壽之域此在人君行與不

行之間耳苟能行之則蒼生之福朝祈而夕至

集覽

又何必干乘萬騎泥金檢玉而謁之於天乎

玉牒

注見漢武帝元封元年社首山名注見高宗

麟德

二年泥金檢玉注見漢光武建武中元元年

實

法駕注見漢高后八年賀知章越州永興人昊天上帝注見隋恭帝義寧二年五帝注見漢文帝十五

年

皇地祇注見漢後主建興十五年

年

朝覲注見陳宣帝大建九年

發明

前書羣臣請封禪蓋專罪羣臣之諛耳此書封泰山文無貶辭亦足見出於玄宗之本心

安而行之者也是時張說首倡諛議使宋璟當國必無是舉故君子以其時及其事觀之又可以知宰相之賢否矣

以王毛仲為開府儀同三司

初隋末國馬皆為盜賊塞外所掠唐初纔得牝牡三千匹於赤岸澤徙之隴右命太僕張萬歲掌之萬歲善於其職自貞觀至麟德馬蕃息及七十萬匹垂拱以後潛耗大半上初即位牧馬有二十四萬匹以王毛仲為閑廐使張景順副之至是有馬四十三萬上之東封以數萬匹從色別為羣望之如雲錦加毛仲開府儀質實北牝釋名云雌牝雄曰牝

車駕還幸孔子宅質實

孔子宅注見漢章帝元和二年闕里

書法

漢明帝幸孔子宅書詣唐高祖太宗幸國子監亦皆書詣此其書幸何誤也或曰誠不足

也故從其恒辭

發明

漢肅宗時書詣孔子宅今此乃書幸何邪意者玄宗尊師重道之誠不及肅宗故變文書

幸以見其過自尊大之意耳不然何書法之異也

至宋州

宴從官於宋州上謂張說曰懷州刺史王丘餽牽之外一無他獻魏州崔沔供帳無錦繡示我以儉濟州裴耀卿表數百言莫非規諫且曰人或重擾則不足以告成朕常寘之座隅如三人者不勞人以市恩真良吏矣顧謂刺史冠此曰比亦屢有以酒饌不豐訴於朕者知卿不借譽於左右也自舉酒賜之由是以丘為尚書左丞沔為散騎

集覽

餽牽詩箋云牛羊豕為牲熟曰饗腥曰餽

侍郎耀卿為定州刺史生曰牽疏云牲可牽行餽是已

質實

宋州注見漢後主延熙十八年

睢陽懷州注見宋順帝昇明元年魏州注見漢成帝綏和二年濟州注見晉帝奕太和元年高平定州注

見周威烈王二十三年中山

十月帝還東都○分吏部為十銓親決試判

上疑吏部選試不公御史中丞宇文融密奏請分為十銓以禮部尚書蘇頌等十人掌之試判將畢遽召入禁中決定尚書侍郎皆不得預左庶子吳兢表言陛下曲受讒言不信有司非居上臨人推誠感物之道昔漢之賢相尚不對錢穀之數不問關死之人況萬乘之君豈得下行銓選之事乎上雖不即從明年復集覽 陛下問錢穀漢文問丞相陳平錢穀之數平曰故丞相丙吉出見關死 質實 禁中注見宋孝者橫道不問而去 武大明六年

書法

親決何譏也決試判有司事也而親之下行甚矣故書親親者不宜親者也

發明

人主之職論一相乃下侵銓選之事何哉故特書親決試判以譏之

大有年集覽

大有年注見太宗貞觀四年

東都斗米十五錢
青齊五錢粟三錢
質實
青齊二州名
青注見漢桓帝
永康元年
齊注見漢景帝三年

書法

綱目書大有年四
漢明帝永平九年
梁武帝乙酉年
太宗貞觀四年
是年皆盛時也
舍是

無書大有年者矣

發明

自太宗貞觀四年書大有之後
高宗朝嘗書大稔矣
祖孫相望至是又書大有于時
玄宗

留意政事
侈心未動
故其治效如此
通鑑是年止述米斗賤糴之數
綱目特筆以著其美
夫以玄宗

尚能致是人主觀之
可不自強於善也哉

丙寅十四年春正月命張說脩五禮

張說奏今之五禮貞觀顯慶兩書不同
或未折衷望與學士討論刪改從之

集覽

兩書不同太宗

貞觀間詔房玄齡等脩纂吉禮六十一篇賓禮四篇
軍禮二十篇嘉禮四十二篇凶禮十一篇高宗顯慶
間詔長孫無忌等增為二
百三十卷故曰兩書不同

質實

五禮注見陳後
主至德三年

夏四月以李元紘同平章事

元紘以清儉
著故用為相
質實
李元紘萬年
人道廣之子

張說罷

上召河南尹崔隱甫欲用之張說薄其無文奏擬金
吾大將軍說有才智而好賄百官白事有不合者好
面折之惡宇文融之為人且患其權重融所建白多
抑之於是隱甫融及御史中丞李林甫共奏說引術
士占星徇私納賂救源乾曜等於御史臺鞠之事頗
有狀上使高力士視說還奏說蓬首垢面席藁待罪
上意憐之力士因言說有功**集覽**蓬首垢面髮如蓬
於國上以為然但罷中書令亂而不理面有塵
垢而忘洗言懼之甚也詩首如飛**質實**崔隱甫武城
蓬席藁注見梁武帝普通六年人金吾官名
注見漢武帝太
初元年執金吾

岐王範卒贈諡惠文太子

范氏曰太子君之貳將以昇宗廟社稷之重非
官爵也而以為贈何哉不正之禮不足為法也

書法

書贈太子何譏也自太子宏薨而皇帝為贈官矣自岐王範卒而太子為贈官矣至武惠

妃薨而皇后亦為贈官矣
綱目悉書之所以譏也

發明

太子不當贈諡先儒亦既論之矣然範乃玄宗之弟而又是時官為太子太傅顧以太子

諡之其顛錯不倫一至於此書之于冊尤可笑也

五月戶部奏今歲戶口之數

戶七百六萬九千五百六十五口四
千一百四十一萬九千七百一十二

秋七月河南北大水○八月魏州河溢○以杜暹同平

章事○冬十月黑水靺鞨遣使入見

黑水靺鞨遣使入見上以其國為州置長史渤海王武
藝聞之曰黑水不我告而請吏於唐是必與唐謀攻我
也遣其弟門藝將兵擊之門藝曰黑水請吏於唐而我
擊之此亡國之勢也武藝彊遣之門藝棄衆來奔武藝
表請殺之上密遣門藝詣安西報云已流嶺南武藝知之
上表曰大國當示人以信宜得為此欺誑上以鴻臚少卿
李道邃等漏洩皆坐左遷暫遣門藝詣嶺南以報之司馬
公曰王者所以服外蕃威信而已門藝以忠獲罪而自歸
天子當察其枉直而賞罰之為政之體也若不能討猶當
正以門藝之無罪告之今威不能服武藝思不能庇門藝
顧為欺誑以取困於小國乃集覽黑水靺鞨北方別部沈
罪鴻臚之漏洩不亦可羞哉括曰黑山在大幕之北
有城在其西南名慶州予奉使嘗帳宿其下土石皆紫黑
有水出其西所謂黑水也靺鞨居黑水之北又靺鞨注見
隋文帝開質實渤海國名注見太宗貞觀十九年沙
皇十八年

丁卯十五年春正月吐蕃入寇王君奭追擊至青海西破之

初吐蕃自恃其彊致書用敵國禮上怒張說言曰吐蕃無禮誠宜誅夷但連兵十年甘涼河鄯不勝其弊聞其悔過求和願聽款服以紓邊人上曰俟與君奭議之說退謂源乾曜曰君奭勇而無謀常思僥倖吾言必不用矣及君奭入朝果請深入討之會吐蕃寇甘州焚掠而歸君奭勒兵躡其後及於青海之西乘冰而度破其後軍獲其輜重羊馬萬計而還君奭以功遷左羽林大將軍上由是益事邊功

集覽

甘涼河鄯四州俱在河西甘本漢張掖郡涼本漢武威郡河本漢金城郡鄯本金城之破羌縣地以紓邊人紓音舒寬也質實甘涼河鄯四州名甘注見晉安寬邊郵之勞費帝隆安元年張掖涼注見漢光武建武十年武威河注見晉穆帝咸和三年鄯注見漢宣帝元康四年湟中僥倖注見宋孝武大明二年

青海注見高宗儀鳳三年輜重注見周顯王三十六年羽林軍名注見漢昭帝元鳳元年

書法

至青海西何譏深入也是故霍去病擊匈奴至祁連則書至魏主燾追柔然至涿邪則書

至王君奐擊吐蕃至青海西則書至皆深入也玄宗自是益事邊功矣故謹書之

夏五月作十王宅百孫院

上附苑城為十王宅以居皇子不復出閤雖開府置官屬及領蕃鎮惟侍讀時入授書自餘歲時通名而已及諸孫浸多又置百孫院太子亦質實東宮注見不居東宮常在乘輿所幸之別院梁武帝中

大通元年乘輿注見漢桓帝延熹二年

夏至賜貴近絲人一緌集覽

一緌猶言一絲也
緌郎計反

上命妃嬪以下宮中育蠶以知女功至是以其絲賜貴近

書法

絲一統爾其書何重親蠶也

秋七月冀州河溢質實

冀州注見秦二世二年信都

○許文憲公蘇

頊卒考異

此亦誤書諡

考證

當去文憲二字分注諡文憲

○九月吐蕃陷

瓜州

吐蕃攻陷瓜州執刺史田元獻及王君奭之父進攻玉門使謂君奭曰將軍忠勇許國何不一戰君奭登城西望而泣竟不敢出質實瓜州注見莊宗同光二年玉門關名注見漢武帝元鼎六年吐蕃西羌別種注見太宗貞觀八年

盜殺王君奐

初回紇契必思結渾四部度磧徙居甘涼之間以避
默啜王君奐微時往來其間為所輕及為河西節度
以法繩之四部耻怨密遣使詣東都自訴君奐遽奏
四部謀叛上遣中使往察之諸部竟不得直於是流
其酋長回紇承宗等於嶺南承宗族子護輸合衆
報仇會君奐邀擊吐蕃於肅州護輸伏兵殺之集
覽中使漢桓靈時凡詔所徵求皆質實回紇匈奴別
令西園騎密約敕號曰中使

貞觀五年肅州注見漢
武帝元朔三年酒泉

書法

王君奐何太將軍也盜殺黃歇不書相譏也
此其譏何君奐以邊功逢其君以私怨殺其

身自取之也故削其官終綱目書盜殺十一詳周
威烈王十四年不書官者三黃歇王君奐李輔國

削之也

突厥遣使入貢

吐蕃之寇瓜州也遣突厥毗伽可汗書欲與之俱入
寇毗伽獻其書上嘉之聽於西受降城互市歲齎縑
帛數十萬匹就市戎質實西受降城注見
馬由是國馬益耗中宗景龍二年

冬十月帝還西京○以蕭嵩為河西節度副大使

時王君奭新敗河隴震駭嵩以裴寬為判官與君奭
判官牛仙客俱掌軍政人心浸安仙客本鷄觚小吏
以才幹為君奭腹心嵩又奏建康軍使張守珪為瓜
州刺史帥餘衆築故城板幹裁立吐蕃猝至守珪於
城上置酒作樂敵疑有備不敢攻而退守珪縱兵擊
之虜敗走守珪乃脩復城市收合流散皆復舊業朝

廷嘉其功以為瓜州都督吐蕃大將悉諾邏威名甚盛高縱反間於其國云與中國通謀贊普誅之由是

少集覽

鵝觚注見宋文帝元嘉七年板幹幹本作幹築塙所立兩木幹所以當塙兩面障土者

質實

裴寬聞喜人琰之從子虓康郡名注見漢獻帝興平二年張守珪陝州人反間注見周赧王三

十六年

戊辰十六年春正月嶺南獠反命楊思勗討平之

嶺南獠反陷四十餘城思勗捕斬之思勗用兵所向有功然性殘酷所得俘虜或生剝其面或掣去頭皮

蠻衆質實

嶺南道名注見秦始皇三十三年

以宇文融充九河使

融請用禹貢九河故道開稻田并回易集覽陸運錢

陸運錢官收其利興役不息事多不就先是江

淮漕租米至東都以車或馱陸運至陝以待水便其

水運一斛得八斗為成勞陸運率兩斛計庸錢千

質實

九河故道注見漢成帝建始四年

二月以張說兼集賢院學士

說雖罷政事專文史之任朝廷每有大事上常遣中使訪之

改曠騎為羽林飛騎質實

羽林軍名注見漢順帝永建元年

○秋八月

行開元大衍歷○金吾將軍杜賓客破吐蕃于祁連城

質實

祁連城注見漢武帝元朔三年

○冬十一月以蕭嵩同平章事

十二月立長征兵分番酬勲法

敕長征兵無有還期人情難堪宜分五
番歲遣一番還家洗沐五年酬勲五轉

制戶籍三歲一定分為九等

已十七年春三月朔方節度使信安王禕攻吐蕃拔石

堡城

初吐蕃陷石堡城留兵據之侵擾河右上命朔方節
度使信安王禕與河西隴右同議攻取諸將咸以為
石堡險遠難攻禕不聽引兵深入急攻拔之分集覽
兵據要害拓地千餘里上大悅更命曰振武軍
石堡城在吐蕃中鄯山其城質實一統志云信安本
堅三面險絕惟一徑可上秦時會稽郡太末

縣地名東漢置新安縣晉改曰信安屬東陽郡隋初屬婺州唐初置衢州治此咸通中改為西安縣宋金元仍舊本朝因之為衢州府治所仍屬焉河西郡名注見漢安帝元初二年隴右道名注見秦王政三年隴西要害注見漢文帝十年

書法

石堡唐故境也不書復書攻拔何譏事邊功也

限明經進士及第每歲毋過百人

國子祭酒楊瑒奏流外出身每歲二千餘人而明經進士不能居其什一則是服勤道業之士不如胥吏之得仕也臣恐儒風浸墜廉耻日喪若以出身人太多則應諸色裁損又奏主司帖試明經不求大指專取難知問以孤經絕句或年月集覽曰隋置九品品日請自今並帖平文上甚然之

各有從自四品以下每品分上下自太師始焉謂之
流內後又有視流內唐因隋制又置九品自諸衛錄
事及五省令史始焉謂之流外其流外兵部禮部舉
人郎官得自主之謂之小選明經所試一大經併孝
經論語爾雅其他有差帖皆通而口問之一經問十
義得六者為通問通而後試策凡三條三試皆通者
為第進士所試一大經併爾雅帖皆通而後試文試
賦各一篇文賦通而後試策凡五條三試皆通者為
第道業道謂所蹈履業謂所肄習胥吏胥給徭役者
吏掌書者謂流外人通典曰凡府寺胥吏守局既久
積月累勞故得齒於下品諸色猶言雜科也如陰陽
筮卜圖畫功巧造食音聲天文之流帖試謂以所習
經掩其兩端中間惟開一行裁紙為帖凡帖三字隨
時增損可否不一或得四得五得六者為通孤經絕
句章句斷絕其疑似可以惑人故謂之孤絕也
帖平文試以平易之文也通俗文四題賦曰帖

書法

書限何譏也於是諸色人仕無所裁損獨限明經進士故書譏之

發明

以天下之廣吏員之衆而明經進士歲止百人則取士之塗隘可知矣楊瑒之言非不明

白玄宗雖是其說然亦未聞有所施行直書于冊其失自見孰謂唐得人為盛哉

夏四月禘于太廟

唐初禘則序昭穆禘則各祀于其室至是太常少卿韋縉等奏如此則禘與常饗不異請序昭穆從之

集覽

裕注見漢平帝元始五年禘注見質實昭穆注漢後主建興十五年縉他刀反見漢光

武建武十九年

五月復置按察使○杜暹李元紘源乾曜罷以宇文融

裴光庭同平章事蕭嵩兼中書令

張說張嘉貞李元紘杜暹相繼為相源乾曜以清謹自守唯諾署名而已元紘暹議事異同更相奏列上不悅貶暹荊州長史元紘曹州刺史乾曜罷為左丞相以融光庭平章事嵩兼中書令遙領河西

實

荊州注見漢獻帝建安十三年南郡曹州注見漢光武建武八年濟陰

秋八月以帝生日為千秋節

八月五日上以生日宴百官於花萼樓下丞相源乾曜張說表請以是日為千秋節布於天下咸令宴樂移社就之范氏曰太宗不以生日宴樂以為父母劬勞之日也乾曜等以人主生日為節又移社以就之夫節者陰陽氣至之候不可為也社者國之大祀不可移也明皇享國既久驕心浸生乾曜與說不能以

義正君又為諂首以逢迎之而後質實花萼樓注見世猶以二人為名臣不亦異乎開元二年

書法

生日宴樂舊矣未以節名也源張導諛而侈費自此廣矣書曰以帝生日為千秋節咎以

為者也○後世以人君始生之日為節而表賀之始此

發明

自唐玄宗以生日為千秋節其後遂踵為故事內自朝廷外及郡邑張樂設宴號為聖節

而不知貪官虐吏並緣為姦於是陪飲民財強奪橫取蔬果魚肉之屬自市井以及村落均受其害宴席未設而吏卒之家醉醲飽鮮已厭飫斯民之膏血矣甚至拘平民子女以為妓否則漁取得利而後止名為臣子尊君而其實為漁利之階號為祝延聖壽而其實為歛怨之府號啼咨嗟赴愬無所權剥烹殺暴殄尤甚以是而欲增延睿筭吾誰欺欺天乎然承襲已久雖仁人君子蹙額不忍亦

未敢發一言以及之者蓋其為名甚尊稍涉擬議則人得以不敬君父之罪加之矣必有英明果決之君卓然知其為民之害出於由衷奮發剛斷罷而去之法太宗劬勞之念不為宴樂雖聖節之名不廢而漁蠹之患斯泯不奪於流俗之見不搖於諛臣之請則其愛民及物之實德增益福祚豈不既多矣乎不然拜表一通望闕稱賀亦足見臣子尊君敬上之意豈必張大宴設而後為敬哉況是禮不出於盛帝明王而出於漸不克終之君自我作古不為玄宗而為太宗豈不甚盛甚美綱目於此特書以帝生日為千秋節蓋亦志作俑之始也任是責者豈非張說源乾曜輩乎惜哉

工部尚書張嘉貞卒

嘉貞不營家產有勸其市田宅者曰吾貴為將相何憂寒餒比見朝士廣占良田身沒之日適足為無賴

子弟酒色之
資吾不取也

禁私賣銅鉛錫

敕以人間多盜鑄錢始禁私賣銅鉛錫及
以銅為器皿其采銅鉛錫者官為市取

貶宇文融為汝州刺史

融性精敏應對辯給以治財賦得幸廣置諸使競為
聚歛由是百官浸失其職而上心益侈百姓苦之在
相位謂人曰使吾居此數月則海內無事矣信安王
禕以軍功有寵融疾之使御史李寅彈之禕聞之先
以自上明日寅奏果入上怒融坐貶既而國用不足
上復思之會有飛狀告融贓賄隱沒官錢事坐流巖
州道卒然是後言財利
集覽 廣置諸使時置立括田
以取貴仕者皆祖之
等使二十九人飛狀如

語無姓名告狀者顏師質實
汝州注見漢光武建武
二年梁縣巖州未詳沿
革

冬十月朔日食

不盡
如鉤

御批資治通鑑綱目卷四十三上

謹案第九頁前五行唯有灤河按灤水即灤河薛
仁貴傳正作灤河

第十一頁後五行武街郡名按唐無武街郡薛仁
貴傳作戰武階驛王忠嗣傳同地理志階州武
都郡本武州因沒吐蕃廢此誤

第十四頁前八行或云即朔州按突厥傳正作朔
州

第十七頁前五行西域國名刊本域訛城今改又

按西域亦非國名此誤

第二十一頁前一行後靈荃改授即將按宋璟傳
郝靈荃作郝靈仝

第二十五頁後七行洺州永年人刊本洺訛洛據
宋慶禮傳改

第二十九頁前一行徵嵩山處士盧鴻按石林集
唐舊史俱作盧鴻一與中嶽劉真人碑所書合
新史作盧鴻不知何據

第二十九頁前七行朱陽縣名未詳沿革按元和志
號州朱陽縣本漢盧氏縣地理志龍翔元年隸商州
萬歲通天二年隸洛州後來屬此失考第三十一頁
後二行渝水在遼西臨渝東出塞按隋之渝州即巴
郡質實所云者是也與遼西之渝水相去七千餘里
此誤

第三十七頁前四行京兆河南河中太原也按唐
百官志京兆河南牧大都督大都護皆親王遥

領兩府之政以尹主之大都督府之政以長史主之大都護之政以副大都護主之所謂四府也太原以開元十一年始為府此誤

第三十七頁後一行天兵軍節度大使刊本天兵軍訛天軍兵據方鎮表改


第四十三頁後四行仙州未詳沿革按唐地理志開元三年以葉襄城方城西平舞陽縣置仙州二十六年廢此失考

第四十四頁後八行在夔州府達縣西一百里刊
本達訛達據明地理志改

第四十五頁前六行遂左遷幽州刺史刊本幽訛
幽據帝紀及張嘉貞傳改

第四十七頁前四行蒲漢天水郡按天水郡唐為
秦州東去蒲州一千一百餘里此誤

第六十六頁前一行巖州未詳沿革按唐地理志
嶺南道巖州調露二年析橫貴二州置此失考



總校官庶吉士臣張能照

校對官檢討臣王鍾健

謄錄監生臣蔣予林